




2

7

蛻庵詩卷之一



衡山釋大孖北山編集

五言古詩

獨酌謠



有酒且一醉有歌且一謠杯盡當須重調生

足意自適身榮心苦焦所以黎首人
樵一謠

仍一酌且復永今朝明朝未可料况乃百歲遙
花

長開美酒長滿瓢靜疑太古調散覺神理超近識南郭

雙得酒時見招盡醉即高卧誰能慕松喬

古鏡

古鏡色如墨照人不見形我照乃見心洞徹天地明此
明非外來此亦非內有自是世上人惟將照妍醜

題林大用隱居飯牛山

山田多白石陽陂足豐草瘦地費牛力飯之當宿飽近
午牛背熟出耕湏及早解紉休樹陰念此穀棘老隱居
抱正學消搖事幽討商歌干齊霸戚也豈知道

安童都事字鼎新號太虛徵余賦之集賢院

太虛本無象何有倪與端至理萬化孰控搏天
地亦一物而在虛上間所以豪傑士不受脫迹

形氣表出入凌汗沒鸞鵠為我導雲翹作之翰仰
轡俯濯龍池瀾綠文祭瑤軌高詠瀛洲山真心合玄
想天人無洞觀琳腴薦朝食紫金咀神丹無待無窮外
浩然與之還

中秋望月

當年見明月不飲亦清歡詎意有今夕照此長恨端近
聞錢塘破流血城市丹官軍雖殺賊斯民已多殘不知
親與故零落幾家完喪回庭中影對酒起長嘆死生兩
莫測欲往書問難仰視雲中鴈安得托羽翰淒其哀謝
蹤有淚徒闌干山中松筠地弃置誰與看河漢變夜色

西風生早寒累觴不能醉百念摧肺肝

送客齋化門東馬上口號

白楊多悲風黃葉滿行路荒溝寒水碧亂石且無數我
興遠送別駐望生百慮欲往豈不懷畏此簡書故遙
墟烟上歷歷鳴雁度秋景條已短歸人驅車去勞歌一
凄然回首重愁算

陽曲義士薛氏旌表詩卷

至正二年事十題
里人趙時照求題

上天久無雨南風日吹沙旱氣彌熾六月稻不花晉
土素境瘠如此歲食上官方勸分輔也起嘆嗟發帑
捐積糴糴粟來連千吾鄉忍溝壑哺爾萬口呀厚澤田

里被頌聲艾老誇六備世弗務征歛惟紛拏遂令活人
功乃出一士家不知時有司視此無愧邪我作義薛詩
好德良可嘉願言講荒政生意當無涯

前出軍五首

前軍紅衲袍朱絲繫彭排後軍細鎧甲白羽攢鞞鞞韜
車左右馳萬馬擁長街送行動城郭斗酒飲同儕壯士
當報國毋為鄉故裏

鍛鐵作佩刀磨石為箭鏃中軍把轅門前豎十尺纛朝
上盧溝橋夕次洵河曲超乘既誇勇騁馬復齊足男兒
不封侯百年同視肉

昨日發萬軍今日發萬軍明日發萬軍
泉騎來群馬
蹠所經過黃埃蕩成雲堆量與作餘
倒樹與作薪道途
行者絕那得有居人
大軍北庭來部五各有屯放馬原隰
枯磨刀河水渾行
行且射獵雉兔不復存野次群駝卧
弓箭挂車轅
笛聲起日暮傷人魂
京師少年子膽氣乃羸豪傾金售寶劍
厚價買名刀白
纒作行帳紅綾製戰袍結束往從軍
談笑取功勞當時
霍驃姚豈在學戎韜
後出軍五首

步卒倉楚健長刀
先甲衣天叫前搏敵跳蕩如鳥飛
左提血鬪驪右奪賊馬歸黃金得重賞
願瞻生光輝爾輩疾歸金將軍是天威
我軍城東門呼聲震屋瓦百萬山壓來
此賊何足打狂鋒尚力拒轉鬪血噴灑
城中有暗溝多陷人與馬將令毋輕入
明當一鼓下

先鋒才改門後軍已登陴拔都不怕死
直上搴賊旗馬前獻逆首脚下踏死屍
長河走敗船疾遣飛將追幕中作露板
應有傳修期

行、鐵兜牟隊、金駱駝鳴、吹銅角來、齊唱歌、總

戎面如虎指領揮瑠戈馬蹄無賊壘手筆可填河王師
本無敵安用戰圖多

魔賊生汝亳獠賊起于海嬰鋒天狗觸墮網奔鯨賊徐
方一戰收振旅已奏凱江浙塵既清豫章圍亦解諸將
如竭力削平行可待

潮農歎

潮南有農者家僅一兩車王師征淮蔡官遣給軍儲翁
無應門兒一身老當夫勞、千里役泥雨半道途到軍
遭焚烹翁脫走故閭車牛力既盡戶籍名不除府帖星
火下爾乘仍往輸及產不重置筥筭無完膚翁復徒手
歸涕淚滿敝襦問、墻屋在榆柳餘殘株野雉雒梁間
狐狸穴階隅老妻出傭食四頰筐篋無有司更著役我
實骨髓枯仰天哭欲死醉吏方歌呼

雜詩

先人有夙訓聞在幼壯時豈意衰暮日乃復新驗之茫
茫上天理詎可私臆知百年大化中流浪從推移信彼
杞憂者徒為衆所嗤

叔子隣家兒探環記前身次律求師後一悟了宿因我
亦清源洞蛻骨巖下人誤墮聲利區驅馳喪其真所以
付樽酒都忘賤與貧惜無還丹術高舉遺世塵悠、筮

鶴期曠望三山津
寒日迫縣車寸陰老愈惜晨趨理公務莫返親墳籍究
往發孤憤思來抱深悵理愜復相忘神劬聊一息湛然
擁襟坐榻鼻端白千齡與化終不朽在方策聖哲有
明訓學道庶自益

寒夜何晶瑩中庭積繁霜天風下河漢萬里流玉光羽
衣四三人各乘白鳳皇笙響發空際游雲高駝翔無緣
執霞佩擘結雙明璫願托月中桂終古有餘芳

隴坂何崎嶇行人且復止直上望晴川遙憶鄉里流
離肝腸斷悲歌不絕已一身已遐征永念同室子何殊
轉蓬科隨風四散走雖得同根生不得同根死吾恐古
今淚多於隴頭水

春江采芳草將以伸繾綣初期拾翠洲復道滋蘭畹美
人隔花深歌竟瑤瑟偃臨流不可見忽恍心未穩佳時
難驟得鷓鴣鳴已晚祇有千古思蘇楚波遠

黎丘之丈人歸路逢奇鬼既為鬼所惑又復鬼其子夏
南涓蜀梁俯影明月裏背走謂伏鬼而又鬼諸已此皆
非鬼者特以疑故死憧姦佞徒情狀實鬼爾匿迹不
自慙胡為滿朝市

河淮巖兵禍城邑多荒榛百里無幾家但見風起塵燕

雀歸果樹豺虎饑食人鄉來脂膏地死骨今如銀流
使復業牛種當及春安得百龔召錯落為拊循征討尚
未息奈何爾遺民

五言長體

元日靈臺官以初四日巳酉時亨遂以歲除日受
誓于中書乃免朝賀紀詩八韻

清廟當春享彤庭放早朝
扈鳴更曆正龍集轉寅杓
瑞日開黃道卿雲映絳霄
八方周象譯九奏舜簫韶
鑪煖香生木杯紅酒汎椒
新符鬱壘換候瑄女夷調
有待寬書下行看戰甲銷
衣年今可引歸老故山樵

分題送京兆王耕師尹之臨安路帥府照磨得通

海湖

萬頃平湖碧浮光映汶寥
秀山純浸影滄海暗通潮
瘴黑雲相蕩春澄雪未消
潤沾蒙部濶川合洱河遙
航稻收田利蒲魚入市饒
雨歸龍氣濕晴浴鶴媒驕
夾樹迷深菁流花落野椒
纏來蠻婦漂船放隸僮
撓帥闡開荒甸英材屈下僚
此心同逝水日夜向東朝

送劉貞廷

總管之嘉禾

御史宣徽院判

牧守膺民寄循良不數公
使君新建隼御史近乘駟
內府聲華著專城控制雄
老成歸物望清切簡宸衷
紫授

盤銅虎朱旛擁畫熊焚香迎父老騎竹走兒童
攜李名藩古句吳地利通粵從師次後俱在震
隣中水暗臺隍月雲寒鼓角風蠻氛猶漲黑戰
血未消紅聖主方圖治台司亦即戎頻煩綸
綍下次第甲兵空公等宜宣力王臣固匪躬
關防先武備國計務農功黃霸微當最陽城
考欲同蒼旻飄勁氣白日照精忠萬象天樞
北三山海市東早龍俄作雨時喜得陽鳳已鳴桐善政風須變虛襟理自融平生經世志要似節軒翁

福唐張氏永思堂

自昔閩多士吾宗世有人共聞兩孝子永慕百年親
優若音容在巍然棟宇新秩筵仍几杖溫鼎自淳珍
草誤稱觴地花迎戲采辰流芳變春雨精思動秋旻
風教關民俗文章藉史臣聲詩播休美正為盛時陳

成居竹有書報甥傳君亮至揚州言其家與外表
舅吳仲益及婦家二叔學生韓與玉全家無恙喜
甚有裛

始得平安信渾紓悵望心爭看尺素字絕勝萬黃金
危甚初秋警幾於平陸沈蜂屯昱嶺上豨突浙江
潯縱爾驅鋒鏑寧迹磔斧礮官軍俄克復亂首即成擒
城市半焦土親朋多好音已知生有路暫免淚霑巾
老子歡殊

劇家人酒快斟狂歌敲手板醉倒脫頭簪黎庶思甦息
皇天願照臨國威雖震疊兵氣尚蕭森白顧形骸累仍
嗟歲月侵襲歸畏吏議承乏念官箴虎豹關非遠龍蛇
水更深豈無黃石略虛遣白頭吟落日耿殘雪浮雲生
夕陰枯萁聞斲馬踈樹見棲禽松竹荒澆理茅茨破可
尋前身本道士不是戀山林

五言律詩

衡山福嚴寺二十三題為梓上人賦

般若寺

般若南朝寺思公一傳拓開方丈地坐斷再生禪貝

葉收經夾曇花散江筵山靈應夜來禮佛燈前

一生巖

初地靈峰下重來為講經神應合掌受石亦點頭聽雲
鶴隨飛蓋湖龍入淨瓶至今花雨處長照一燈青

二生塔

塔寺前朝舊山林宿業空法身無幻壞藏骨自神通寶
供珊瑚碧珠光舍利紅無緣香一瓣回向佛堂中

三生巖

神僧涅槃處那有去來今尚記三生石難磨萬古心地
埋禪刹在山掩岳祠深長日聞鐘梵蕭蕭楓桂林

天柱峯

一柱標南紀神功自斷鼇寒通岫嶺遠勢敵祝融高異
鳥流清響神燈見白毫危顛可觀日夜湧海東濤

擲鉢峯

神僧手中鉢擲向最高峯徑度虛空上難尋變化蹤錫
飛曾近鶴劍躍或成龍搔首不可見烟霞千萬重

定心石

燕坐百念息湛然方寸間相無分彼我空已判真頑醜
魅來相試芻尼去不還衆人笑癡衲長日此看山

磚鏡亭

曹溪一祖後衡岳心多賢分得燈相續提將印密傳法
音風萬籟禪性月中天珍重磨磚喻微機要自詮

隱身巖

塵世苦熱惱山林長夏幽岳神來護法尊者坐經秋呼
粥魚頻響銜花鹿自游法雲長散滿七十二峯頭

三泉

一沼功德天成後雙泉神應來雲根銀卓破卓錫地脉
虎跑開泉蹤暗溜縣山雨寒光漾石苔諸僧朝盥罷相

次上堂回

嶽心亭

何許新亭好軒窗窈窕深天開雲四面地據嶽中心雨
綠簾蕪道風香蒼筍林曉嵐收不盡猶作半山陰

日雲亭

西公俱古佛遺迹在新亭塔寺疑神造山川本地靈峰
秋陽雁斷潭草雨龍腥老宿忘言久閒拋案上經

迎雲亭

細路捫蘿上高亭在翠微樹陰幪草座山氣濕田衣落
日孤鍾動遙天一錫飛悠然片雲下知是應真歸

兜率橋

傳是竺僧說幽如兜率宮驅龍劈地險架石補天空星

土熊湘合雲沙鷺嶺通闌干倚來久時度吉祥風

開虹橋

蝦蟇橫當道蜿蜒下滙潭幽光飛皎皎危構鬱鮑鳥
下關寒瀑樵回帶夕嵐遙知說法處來作老人叅

大慧塔

大慧談經地林園即給孤鑿雲藏舍利鞭石起浮圖風
鐸時喧寂天經忽有無沙門每來此三繞作南謨

讀書堂

上年賢宰相遁迹白衣時試問蒹葭卜何如懶瓚知才
名留別傳香火寄空祠千載衡江水東流有所思

煨芋巖

彼美山中芋輪囷類餓鴿暖生松火夜香透竹鑪時虎
迹群行滿猿聲獨嘯悲鄴侯知味否莫比御燒梨

御書閣

槃若唐宸翰森然宋賜書寶藏經閣上光蓮道場初川
岳留奇觀風雲繞淨居何時能一到銀鑰借開魚

退道坡

神鑿三百級盤迴上峻坡攝衣蒼蘚滑倚杖白雲多野
叟耕麋曠山都寄鳥窠朱陵是侶侶飛錫定相過

止南寮

昔隱黃龍老今遺言記寮人天所供養巾盃此逍遙仙
樂時下香雲往飄千秋一金塔

藏雪寮

雪山一片雪何日落中華皎潔無藏處虛空自作花石
屋穿乳竇海岬疊潮沙底用分荆越諸方總是家

冰雪菴

近嶺無冰雪庵居易過寒飯炊麻子熟衣補衲頭完顯
氣詩脾裏雷音講舌端知師最清苦歸去北山干

題桐廬鳳山寺僧道大鷲雪軒

禪忘機地春鉏爾亦靈飛來萬點雪巢破一林青晚

瀨明拳足秋蘿退閣銅山神護說法吹斷草風腥

蓬軒為吳僧元誼賦

縛竹作禪宇小於江上舟樹聲疑疊浪月影似中流興
寄江湖遠身同世畛浮襄師燕坐處吾道在滄洲

靜寄軒為吳僧一元賦

羣動寂寥外一軒瀟灑中山林亦長物身世本虛空清
磬花龕日孤燈竹榻風不曾離寓所惟有主人公

抱素子作自適圖求詩

隱者抱幽素獨行穿杳冥有詩吟木客無駕勒山靈寒
澗流沙白秋雲入小青携琴向何處彈與野猿聽

北山誦藏經二旬畢詩以調之

金布莊嚴地花飛梵唄時舌端彈孔雀頂上集芻尼國
壽祈天永皇心體物慈明當喜圓滿一月廢吟詩

用北山韻答之

吾衰年冉冉師樂日閒閒師以詩娛意吾將酒駐顏看
雲知幻滅見月喜明還莫問誰家曲相酌笑語間

馬秀才伯學以丹青山水小景求題

沙禽毛羽新來往采桑津野水碧於草桃花紅照人乘
回遠山莫宵窺江南春芳思不可極悠然懷釣綸

送觀性空上人歸省

白髮高堂在青山舊業負載經隨客舫留偈別禪隣行
路半春雨近鄉多故人一龕還可老莫汙衲衣塵

送以中及公自揚州天寧寺遊匡廬

跌坐對船燈江風浪幾層還從鶴城路去訪虎溪僧湖
曉星浮石巖春瀑斷冰吳中却回日應老舊池菱

吾家清軒

軒居最瀟灑不受一塵侵門斷懷金_者人知飲水心鶴聲
生晚思竹色淨秋陰此意琴尊外翛然只自深

懷天目山處士張一無仙岩道士禮中峯受戒具

一飯了年華蒲團淨結跏雪蹊拋即粟風壁裂袈裟寒
狄窺燒葉飢禽聽施茶清除憶劫想吾欲問僧伽
僧舍蜂腰綴君居第幾間池水寒挂瀑雲雪白藏山未
得拋塵網相從出死關東岡幻住塔禮罷幾時還

送福上人無際南歸

歲閏春來早師行且過寒問程山寺遠乞食野人難空
性元無際禪鋒豈有端遇余方外友一為問平安
話舊送胡士恭之京師

話舊共蟬聯河橋且繫船春歸花滿地江闊雨連天處
士題鸚鵡詩人拜杜鵑此生雖老去未敢愧前賢

清河水漲荅復中吉監縣水字韻

潏潏清河漲湍流滋浸滛滄溟渾灌注濁浪浩浮沉洲
渚津涯濶泥沙沮洳深泓淮澤鴻滿漂蕩渡江潯

送鄭喧宣伯赴赤那思山大斡尔朶儒學教授四

首

聖祖興王地風雲護大營天垂紫塞濶星戴赤山明人
俗殊淳古皇文易化成君行當勸學無愧魯諸生
絕漠同文軌提封振古稀大牙開武帳元老秉天威白
馬紫駝酒青貂銀鼠衣那思山水曾覩六龍飛
野散千軍帳雲橫萬里川寒多雨是雪日近海為天黑
黍供甘釀黃羊飽刈鮮廣文但少客寧慮坐無糧

晨發戒行裝風沙碛路長油韉白鼻馬藍綬赤銅章文
學重新命

自顧

自顧摧頽客仍居寂寞濱月傭奴許少歲計婦憂貧酒
後詩 夢鐙前壁寫神漁樵吾所喜相見即情親

宮中舞隊歌詞

十六天魔女分行錦繡圍千花織步障百寶貼仙衣回
雪紛難定行雲不肖歸舞心挑轉急一一欲空飛
鑿海行龍舸馮山起鵠臺天池神馬出月殿舞鸞來六
合妖氛靜群生壽域開吾皇樂民樂願上萬年栝

白玉瑀釵燕黃金鑿步蓮簫吹鳳臺女花獻蕊宮仙香
霧團銀燭歌雲撲錦筵請將供奉曲同賀太平年
陳伯將作北山梓公嶽居圖余題于上

高僧業何許雲夢澤南洲樓閣諸天上江湖萬里流禪
心著世事若浮休寂寞京塵裏披圖時卧游

潞莊

松棚叟賣漿棚下午風涼獨澗繞羣木數家成一坊蜂
行花已密蠶罷葉仍柔此地無千步真堪作蛻藏

鴈聲

噉數鴈度流響一淒然半落淮南雨遙沈海上天疎
砧欲斷處哀角未吹前我亦離羣者聞之夜不眠

馬通薪

可代薪如桂還宜火作煤翁攤扶杖立童拾戴筐回野
屋寒堆整山鑪夜撥灰殿官無好事不遣換香來

烏桕樹

西湖慈雲山側和清有詩

巾子峰前樹逋仙句最工迴明霜外寺半落石池中鄭
老唯書柿崔郎只詠楓山林正寂寞借此作春紅

聞蟬

中庭白榆樹時有一蟬聲沸親方抽緒鳴弦忽斷箏蒼
烟起平楚落日下高城曾是天涯客因之百感生

書所見

戊戌七月

溝中人啖屍道上母拋兒有眼不曾見無方能療飢干
戈未解日風雪正寒時歸向妻孥說母嫌朝食糜
城南官掘穴日見委屍盈終朝烏鳥下薄暮狼狐鳴冰
裂人剝骨風悲鬼哭聲茫茫死生理真宰豈無情
偕鄒元止善東門視田

白骨如亂石荒村殊慘神惡風生殺氣斜照逼歸人應
俗悲多故全生幸此身青原上麥亦復可憐春

題林德清竹雪齋

高齋修竹林積雪竹間深歲莫不改色幽人同此心種
梅分地隙籠鶴就堦陰想見椒江上扁舟許客尋

雪後

雪後北風急起行冰滿須凍泥憂蹇馬活火爰團蒲數
口狼依狽群情虎畏貙每逢來使問親故有書無
路滑堆殘雪山晴散宿狸民生已塗炭兵氣尚江淮撫
世憂徒切謀身計自乖臨觴且復醉吾命有安排

癸巳元旦即事

禁苑朝珂集宮樓畫刻傳雲間黃道日春麗紫微天進
虎蠻如畫儀鸞伏類仙晨觀淨氛氣即是偃兵年

大駕時巡千官導送至大口

萬乘巡行遠三靈佑護多旌旄隨大纛鼓鐸雜鳴駝雙
日浮黃繖微風送玉珂臣心如草色不斷到灤河

松巢為潛川謝克章作

林棲有隱君結構出塵氛就樹遮青雨牽蘿補白雲雙
鳩從此拙獨鶴與平分華屋非無數山中了不聞

蛻庵歲晏百憂熏心排遣以詩乃作五首

開歲七十五故園猶未歸看從今以後知復是邪非星
斗天垂象龍蛇地發機遑聲近稍息一醉典春衣
小小新齋閣溫々舊榻精神全藉酒筋力半支藤蟄
豸深坏戶冥鴻巧達矰蒙頭衲被底何異在家僧

世路正如棘吾生猶繫匏詩人歌蟋蟀軍士歎蟪蛄無
地營家食何心解客嘲山林徒在眼難覓一枝巢
書舍如僧舍心閒與靜宜寫多髡鬼穎藏久艸貂皮宦
蹟年勞見生涯日曆知未應同與後肩負沃洲期
久悟無生法從容與化遷機忘棹俯仰道悟密中邊宇
縣猶多壘干戈已十年吾惟待其定歸種故山田

十月一日

瓦盞醅純白 鑪火乍紅風生月暈後霜下角聲中飢
鼠窺燈暗鷓鴣吠巷空于今玉堂老詎信莫途窮

立冬前二日

高秋日淒冷且復閉門居
麟壯舒芒後醅香出椀初霜
籬存晚菊爍瓦作寒蕝更好山翁唱陽春恐不如

吳下客懷秋蒼湛困白先生廷玉

湖海無窮事風霜薄暮年
客程淹白日吾道信青天影
自訓形贈心寧受日憐平生五字律名在萬人前

懷先隴

京國留家久餘生只自憐
一單如老衲八十又新年義
士心唯血讒夫舌謾涎何時抱尊酒哭向計峯前

七月廿九日

此醜今方殛京城凍血新也知天悔禍誰謂國無人勝
氣騰龍虎沈機動七神大庭親命詔終夜在延春

自誓

此醜行當殛吾身敢顧危要看奪笏處正是結纓時萬
古千秋在皇天后土知寸心三尺簡背愧史臣詞

乙巳初度

今日吾生日開尊向竹齋家人更上壽凡事且寬衷學
道精神淡匡時志願乖百年原上土自有一抔埋

病起

強起梳頭坐寔明晚景新生遭兵是劫病與鬼為隣農
事田疇廢邊聲鼓角頻故山多藥物徒切未歸身

歲晚苦寒偶成四章錄似北山詩
風暴寒逾急星回歲欲周
缺牙便食粥瘦骨怯重裘
節物殊牢落前圖益謬悠
蛻窩真類蟄長日火鑪頭
清眠夢屢覺霜氣轉淒
春近鴈北向月明烏夜啼
鑪香留墨篆燭淚聚銀泥
少釋幽憂疾尋君一杖藜
鼠劣翻書冊猫馴伴坐羶
吟懷忻雪夜疾目畏風天
惟酒能消日無方可引年
我詩猶得子一問北山禪
短景促殘歲窮陰連大荒
狙三隨所賦龜六可深藏
未了惟文債堪歸祇醉鄉
絕衾有餘暖翻喜夜天長

雨涼

一雨收殘暑新涼及頓添
秋聲滿落葉蟲語倚虛簷
衰病便高卧游程嘆久淹
山林雖寂寞亦足養吾恬

四月十三日

白丁驅上城徒手不能兵
聞將無人色行涂多哭聲
惟將孔達解竟遣風沙烹
滿眼黃塵莫悲風慘淡生

城東廢寺

一徑入荒寂松風長夏寒
夜又棲敗屋魔女去空壇
古佛金全剝遺碑字半剝
時逢好事者來別蘇文看

遊劉真君廟

俗曰三十郎文山嘗辟兵於此

古廟西原上虛廊半欲摧
水龍鱗剝雨畫鬼面生苔
叟

乞燒錢火巫抄構殿材英雄有神護道跡此中来

漸老

漸老惟貪睡相畱火有情詩從年長淡寒入夜深清不
鼓牀琴疣慵書帖字生鏗花獨可喜連夕向人明

夜宿青芝墳園

水落寬船步年豐密酒壺土酥分地產木密薦秋腴認
路塵踪新拖野影孤行人不可暮落日有於菟

上都從駕幸東涼亭

鶴禁烟華紫龍岡草色青羽林移曉仗法駕幸涼亭大
業開天造甘泉發池靈微臣叨侍從願睹萬邦寧

西內應制即

烽火連齊魯干戈接隴秦四郊多壁壘萬里半烟塵將
帥屯兵久君王遣使頻老臣叨視草進罷益沾巾

行次獨石驛大雨駟行廿里喜晴

設：青天出浮雲四散歸燕忙攬馬過蠅亂撲人飛遠
道倦行李故山思采薇北風朝已冷未敢御絺衣

暴疾卧

堂余再歲

伏枕朝慵起惟將親紛紜眼前事憔悴病中身宿

露濃於雨秋花好似春最嫌薑桂絕無處乞諸隣

有旨翦領宋史刊于江浙次東阿站

南來十五驛幽絕獨斯亭下榻月初上卷簾山更青千
時嗟莫齒從事厭勞形寂莫江雲外誰知有使星

九日抵武安縣裴祠店

水落衡漳急川回上黨高流年秋忽々行路日滔々山
市人多瘦沙溝地不毛村墟欣有菊小駐為持醪

代祀涓洲天妃廟次直沽

曉日三义口連檣集萬艘普天均雨露大海靜波濤入
廟靈風肅焚香瑞氣高使臣三奠畢喜色滿宮袍

次石門驛

投老復行役江湖秋興悲艤舟黃落處欹枕黑甜時燕
閨歸何晚鷗晴浴哉遲不妨無事飲聊遣有情癡

剡中清風嶺王節婦沈江處有血書石上

盡日經行遠雲山又崦山江光寒照外雨氣亂峯間野
艇冒魚賣村巫詛虎還千婦貞婦廟畱在

關嶺新昌縣

青林抱澗阿直上更嵯峨田鑿雲根種人盤鳥道過亂
泉鳴暗谷豐草被陽坡彷彿疑山鬼衣裳隱薜蘿

雨中次黃巖驛

宿雨晨初歇高秋日浸微水聲千澗落雲氣萬山歸委
羽洞天在仙人颺駕飛丹砂如可問吾豈戀朝衣

夜過石溪驛

籃輿搖醉夢，輒過前岡木。落風聲碎行人，月影長遠。村時見火，霑露忽零裳。一笑方言異，前途殊未央。

劉山驛

處州馮山嶺

茲山類台剡，回復度中岑。傳舍白雲上，人家烏桕林。此身嗟老大，行路轉嶮峻。佳處時停策，終焉愜野心。

瀨溪

一名猴溪

古渡猴溪外，風烟淡欲無。島人形貌怪，閩語言殊小。店魚鰕市，深林猿鳥都。肩輿看山好，候騎緩前驅。

發漳州

萬里漳南道，遙連嶺嶠東。山寒冬息瘴，海近晝多風。廢圃攢筋竹，疎林落刺桐。檳榔新善啖，一解宿醒空。

歸武林家雨至練市韓伯清莊

溪雨寒猶重，山雲晝不開。老夫喜閒暇，練水得沿洄。鳧雁衝船過，魚鰕入饌來。故人居漸近，應待舉吾杯。

泛舟青鎮至姚師善莊夕回韓莊

明月半溪水，歸人中夜舟。樹陰屯岸合，螢影入烟流。勳業生無取，田園老可謀。悠然發清詠，思繞白蘋州。

召入國學雨中過高沙湖

細雨洒秋色，平湖生白波。客心貪路急，帆力受風多。落

木生詩思驚禽避棹歌舟行不借酒兀坐奈愁何

登歌風臺

君王逝已久遺構在
城空濶青徐拆蒼茫楚漢爭荒
山尚雲氣喬木有風聲無限登臨意長歌忼慨生

早發魯橋

路滑雨初歇山昏雲不開看鐙野店近聞鐸買車來馬
飽力方健蚤寒聲易哀偶逢南去使早附書回

泊隆興章江門

把酒西風裏挂帆南斗傍夕陽城角盡人影水中長問
俗勞羈旅干時儼俊良平生查上意漂轉益難忘

還自臨川省親鄞之長山元日有作

丙辰

茆屋鹿皮几柴扉烏角巾杯盤豐海味禮數略鄉人樹
霽石秋曉山暄槎浦春僻居無一事即是葛天民

次曹娥江

廟貌丹青古碑詞風雨訛梧投估客拜神降女巫歌沙
竈燒鹽速潮船聚堰多貞魂招不得揮酒大江波

北歸四月一日舟至市涇

乙丑

綠樹村、合晴川浦、通岸客寬積雨水色定回風戍
近時鳴柝漁歸忽艤篷船人喜相約乘早過垂虹

泊淮口

灩、潮初上移舟出浦中岸分清濁水飄棹合離風
楚方言雜徐揚地利通何殊入喬口懷古思無窮

黃河

櫓後風才順桅頭日未斜舊河通瓠子新浪漲桃花得
鱸因沽酒聞鶻更憶家迢、雲氣外北望是京華

畱宿洪洞慶雲觀劉山甫方丈

旅寓丹房夜高城乍絕鐘蠟花燒燭 乳面潑茶濃山
豁三更月秋添四壁蛩殷勤老貞士清話得從容

舟行即事

霧樹渾連水、溝不受潮米鹽江上舫魚菜市中橋壯
士寧辭辱仙公會見招邊淮無酒禁磊礫刺湏澆
天水混無際中流明月輪山形立積鐵潮色爛鎔銀沙
露凍黏石海風寒薄人舟師傳吉語沽酒祭江神

歸來

擾、群生裏落、大化中是非同喻馬得失一亡子買
酒從賢濁論文任鬼窮此身河上鳥只合信天公
處士聲華遠吾生志趣同結廬猶洛北避世即橋東幾
見薰天富俱成撲地空虞羅謾機事未許篡冥鴻

七月一日之集慶望日次錫山宿玄文館

海月光芒濕川雲意緒閒剛風浮地外元氣滿人間野

榜歌相答漁燈去不還
電明知有雨只在九龍山

九日謁告歸阻風御河齊

雨後風俄暴藏舟古岫陰
早霜紅樹徧殘月白河沈甌
泛乘長浪狐跳沒遠林
人生信淹速那敢易初心

至通州

去歲南歸以九月十二日發通州今年召入亦以是月日至通州云

驛卒爭鳴鼓舟人喜下桅
依然今日到恰似去年回岸
黑秋濤縮川紅夕照開
君恩忘險阻不覺畏塗來

自悟

古佛風潘蓋詩僧醉可朋
有生還有劫無盡本無燈蚤
自楞伽悟今非願力能此心
寧萬慮於道只三乘

海內虛遊子山中蛻骨仙
一單如老衲八十又新年
野馬飛惚日醞雞舞瓮天
吾今丈人行宵與衆爭憐

上除日南山蓮社期懺偕伯清昆季還飲南園

襖飲湖亭上臨流自袂衣
閨畱春事晚風打酒船
稀蛙子黑初出桃花紅欲飛
早霞知有雨霑灑送人歸

伯清邀余至青芝塢汎湖莫歸

塢乃韓之先隴也

落日風花起寒波倏眇然
山藏進雪寺岸護種水田
醉眼輕浮世牢愁入莫年
若為湖一曲携釣隱漁船

清明遊包家山 乙丑

遠近紅千樹繁開奪豔霞
月明寒食雨春老上陽花
輦

路迷游躅宮詞入夢華東風葵麥浪回首野人家
太液曾來鵠高臺舊影娥美人黃土盡故國白雲多野
草荒神籍宮蓮怨棹歌羌兒洗馬處斜日滿寒波

偕楊瑞元誠王杰自行湖隄間步

湖上西風急秋陰正杳冥水痕連岬白山色徹雲青
燕依深谷還鷗下近汀君歌我當蘇有酒滿長罇

秋試後胡益士恭歸番陽與游吳山聖水寺

高處見滄溟西風吹酒醒潮來一片白山擁萬重青草
木如浮動烟塵忽杳冥登臨不可極吟思滿秋汀

清明日偕李欽嗣遊吳公孑臺至雷塘蜀井

路絕平沙過新塘水半乾龍歸雷雨惡鶻沒海天寬
繫幟春醅熟行厨野祭寒此生無倚泊隨處得盤桓

九月八日陪危太朴偕梁九思游城南三學寺萬

壽寺

南城多佛刹結構自遼金傍舍遺民在殘碑好事尋
雨苔塵壁暗風葉石幢深一飯蒲團了蕭蕭鐘磬音

休日得煦騎高秋天氣新樓臺唯見寺井里半成塵
壞廟鬼無主荒丘狐化人千齡共須盡回首一傷神

文昌樓望月時家已歸浙上

今夜溪樓月登臨倍惘然電光何處雨風色欲秋天
歷

歷銜緣岫依、遂起船江湖歸路渺迴首白鷗前
清明日遊東山謁樓霞嶺仇先生墓

前輩凋零盡南陽有古阡詩應傳四海酒不到重泉槐
國真成夢桃源亦是仙松根一剝淚慘淡墮風烟

秋日獨行埂上偶至清脩寺

庚午

溪南野寺幽中鷓鴣偶相求古道多黃葉殘生半白頭遠
村高鳥莫灌木亂蟬秋此地茅堪剪吾將卜隱丘

四月望觀帝師發思跋影堂

佛子來西竺巍然南面尊法筵花散漫香殿玉溫磨龍
象諸天下鐘螺竟日喧朝觀立隨喜如在給孤園

九月六日宿寶集寺

來借禪房宿悠然空客心殘僧幾人在古殿一銜深簷
鐸能胡語齋居發海音重陽又已近聊復此登臨

次韻莫景行春雨喜晴

苦熱不可忍汗膚鱗甲生雨分何處落月在半天明蟲
語迎秋早川光入夜清得涼忘坐久河漢忽西傾

甲子元日夜大雪初三日立春始晴

幾年無此雪南國見應稀平地深三尺飛花大一圍銀
河乾徹底白石爛生輝閨色饒梅柳新春曉已歸

南園宴集雨歸有作

驟落菰蒲雨遙生齒齒風歸雲龍井黑倒照鳳山紅簾
暮舟頻引衣涼酒屢空歌聲未可放花底有鷺鴻

辛未苦雨

秋田猶鉅浸春日復連絲醉使呼堂上飢人死道邊鶴
神方下地龍伯已行天真宰如容問吾心血可箋

癸酉人日雨中

是歲十二日立春

積雨將謀雪新年未入春半生如過客七日又逢春采
勝天花小香醪玉色醇多憂亦何事適意任天真

與勃海孟希景章守歲成居竹宅予長一歲

此老無柴棘襟期一見同詩如孟東野名是米南宮把
酒推年長圍壚到夜終賸吟湏賸醉相對各衰翁

庚辰元日立春

采燕方迎歲蒼龍適建辰車書時有道宇宙物皆春紅
喜燈花重青看菜甲新屠蘇不辭後已白頭人

戊子正月連雪苦寒會段助教天祐吉甫二首

雪寒渾未解風力更狂吹強飯憐君瘦重裘覺我衰酒
香紅面頰燈影黑須眉黃鶴山中地求田已有期

三年冗博士

謂自

四海老詩人

謂吉甫

同是桑榆日惟堪麴米

春清羸元壽相

謂吉甫

翫驪任長身

謂微子

誰知我從來懶

更真

真四月十四日習儀白塔寺有旨翦升院判

乍換朝衣紫袂憐客鬢華才知無補世官喜不離家海
燕雛方乳戎葵蕊未花歸來北牕卧塵汗滿烏紗

七月六夜對月

星會黃姑夕天回白帝秋明河初左盼大火漸西流晚
景逢多故寒心集百憂山林莽寥落何處見丹丘

乙未元日

稍、鐘鼓動紛紛、車馬朝張燈照白髮把酒送寒宵黃
石終歸漢洪厓及見堯芻言忻見采拭目望新條

歲除日

七十古稀有欣然歲更新換衣癡女喜分粟故人負軟
飽酒官釀奇温愛絮巾明當候雲物載筆記王春

暴風

閉戶復閉戶黃塵千丈生不雨草無色衝風人倒行游
子念鄉士腐儒憂甲兵狂吹不肖息終夜為心驚

長至日 壬辰

至節得休暇閉關宜燕居孤懷愁易切遠信語多虛壽
酒教兒勸祥雲聽史書親知半湖海無地問何如

大風時送友南城

南國碧雲莫西風芳草多相思故人遠如此別情何諸

絕山僧筆蒼茫楚客歌憑將萬里意一問洞庭波

嘯亭為鹽令賈策治安題 亭在西興江上

老子掀髯處雲間孤草亭不妨舒逸氣直恐動精靈風
水劃秋湧魚龍悲夜聽幾番流響歌江冷越山青

寄題欽惟心山房三首 在京口普照寺

普照南徐寺蒼苔祇樹林馱經惟白馬布地盡黃金午

梵鐘聲遠寒燈殿影深由來世畧黑誰與一明心

朱方有真子心印悟南宗奏樂惟天女聽經化海龍香

凝行道席燈照著衣鐘猶厭依城市開門別種松

名山旦夕仰方外宿心親業白到初地性空無一塵乞

鐘時出寺坐夏不迎人想見惟心叟風涼滿繡巾

輯山村先生詩卷

昔在垂髫日今嗟薄莫年林孤剝氏選詩得謝公傳故

國空戎馬荒山冷墓田祇令後死者忍淚讀遺篇

卷可留天地詩嘗泣鬼神 仙歸化鶴披髮下騎麟素

望高前輩青衫老此身棲霞石表在終古不成塵

金山橋上聞苑池荷香 內苑

立馬金河上荷香出苑池石橋秋雨後瑤海夕陽時深

樹棲霞早微波浴象遲煩衿一笑爽正喜好風吹

次韻題大雷山桃源汪氏桃隱 鄞縣

幽甚南雷路嘗聞故老傳墟通賣魚磬潮入種柑田櫺
子潭成樹桃花不計年山中多佛寺香火肅芊芊
南北二十里兩山中過雲采芝隨鹿去拾果與猿分酒
饗青田核羹香碧澗芹非君播詩句那得世人聞

鑑堂上人招余適慧山行舟不成往因寄

竟負山游約長懷第二泉毀茶休著論載酒謾回船會
摘春林雨來尋午竈烟從師坐聯句祇恐廢安禪
徹晝風何急避行陵樹旁驚沙撲面黑野日映人黃科
斗旱未出粟雷寒尚藏窮途淚易下不是阮生狂

七月旦立秋風雨夜寒

練衾不解暖已索絮衾眠老疾日漸退餘生天所憐歟
行窻紙響蛾撲燭花偏喜見活頭報江南有到船

嘿坐

時俸支降真香

默坐觀浮世何殊起滅雲援寒夜嗥母鴉急晚追群應
俗神嗟耗經冬足苦較俸香吾獨喜日可炷爐薰

除夕

坐玩群兒戲閒供一笑懼朱丸那卻鬼白酒不禁寒官
索題春帖隣分饋歲樂歸期知幾日謾檢曆頭看

初三日夜翫月至中秋日得詩

化工金鑄巧又換一鉤新遠道傷游子深閨喜拜人影

縣秋半破明朔日西淪正擬排宵看裁詩莫巖頰
新月過初弦冰輪次第圓空中真見相清極恍如仙舊
雨蒼苔地新寒白露天胡牀延佇久不覺屢移前

悼太平公

晨起灑杯酒北風吹淚痕豈徒歌楚步端欲叫天闈碧
化養弘血春歸杜宇魂千秋一史筆誰辨逐臣冤

梅隱為蕃禧觀余道士作二首

隱者多幽事鋤雲自種梅幾盤山徑術強半雪莓苔拾
藥泥丹竈浮香入酒杯時霞上友清曉踏寒來
茅屋西林下逋仙恐是君支筇鶴外見哦句竹邊聞老
樹春常早空雲雪不分道人無夢久何處覓梨雲

寄雲門僧若邪溪兼題其松風閣二首

聞道邪溪叟高年出寺遲眉毫長幾許布衲破多時挂
錫鶴移樹繙經花滿池相望一江水歲晚赴幽期
閣外老松子蕭蕭虛籟生定從何處起寧有不平鳴我
耳固師耳風聲是樹聲他時扣禪寂衲破睡天明

識趣齋為山陰魏仲遠賦

夏蓋湖濱宅幽然水竹開莊前魚市合山下酒船來把
釣移雲樹尋詩步石苔相羊總成趣直待醒心回

送泐季潭遊天台并送淵侍者歸天台二首

來從石城寺去訪石橋僧錫杖空山路禪龕獨夜燈道
知文暢得詩許皎然能到日西巖下應吟瀑布冰
解夏回天竺尋真問石橋隣房留偈徧歸路載經遙瀑
壯秋縣雨江明日上潮題詩寄相憶何處覓山寮

送蒲空敘本中往往長蘆寺

在嘉禾

杖錫風塵際師行戒畏塗故人懷槁李春水到長蘆舍
利藏金塔袈裟繫寶珠禪房大自在應念室中蒲

謁儀則堂上方觀聽續撰釋氏通鑑

平生方外朋今識故鄉僧史有春秋筆談空大小乘香
厨朝飯麪古殿晝然燈歸路烟蕪外斜陽下道陵

北山以雪窗墨蘭竹石求題次韻

幽蘭出楚畹美竹自湘濱共友三生石俱函太古春山
林空見相冰雪老通神長作禪房供毋令墮世塵

清溪濯足圖

黃塵滿雙足宜賦故山歸解屣就清泚舉頭看翠微林
援下窺膝石蘚欲粘衣更覓漁竿伴閒來就釣磯

觀潮

海口潮初上江流涌不行大風生氣執烈日奪光晶鷁
首來何駛鴟夷怒未平吳兒誇壯觀車馬暮填城

送蒙古僧印空巖還黃龍寺

受戒于天目山

高僧明廷秀受業自宗南心訣捷為印禪機提若鋒鑪香
來化鶴瓶水豢降龍弟子經牕外應占舊偃松

古刹西江外師居最上方山神出護法天女下焚香久
客霜髭滿歸舟雲樹長秋期到天目容我借禪床

溪居山水小景二首

想像溪居好時來放釣船滄洲茅屋路春水白鷗天林
壑無多地烟霞自一川底須論咫尺對此已茫然
何處野人村微茫礧谷分林多太古樹山有四時雲鳥
跡還成道猿啼或作群秋風茅屋破誰賦隱思君

水墨達磨像班惟志筆

佛法無多子西山雪柱天應尋葱嶺去方解少林禪鞮
屨露雙脚罽衣披半肩虛空本無住須借影中傳

數日北風興懷過海諸友

數日好風色行人應到家秋花香獨耐寒鴈字多斜薄
飲無長酒輕行有小車吾心何爾汝聊復度年華

啖筍

今日食指動新苞來上林此兒森似玉饋我重如金晚
火炊鮮滑春雷發蟄深山園未能往少快老饕心

蛻庵詩卷之二

七言古詩

題昌化陳孝子傳

百丈山前妾辭主禮賢鎮中子逢母三十餘年昨日同
白髮相看淚如雨阿嬈去時未斷乳兒壯得知心獨苦
清湖老嫗天所畱逆旅主人神使語歸來桑竹溪之詩
婦前持觴兒起舞雙瓜生祥表秋圃豈用旌書動官府
吳人買妾紛莫數歲滿毋歸遺子女巷南巷北不相覓
况復山川兩脩阻嗚呼千秋復萬古孝子之名在寰宇
世上滔天忘母人不愧唐昌一杯土

題鐵石驄馬圖

神厓黑龍時出水游此何年得其子是何毛骨如積鐵
迴立長風獨竒偉霜蹄白鼻散五花倏見馬中真駉駉
美髯奚官能剪拂不遣雲鬣浣泥滓少施控勒即飛騰
唾尚不敢况敵捶馬生豈在粟一石不飽寧能見材美
朝燕脯越信汝良安得壯士同生死阿師一室巾錫外
時展此圖臨燕几三生似是支道林愛馬苦心同若此
平原豐草秋漠漠恍惚寒沙颯然起英雄有志在青雲
老眼因之空萬里

題趙文敏公畫馬

君不見漢家將軍求善馬戰骨縱橫血流野歸來作歌
薦宗廟寧悲鬼哭宛城下何如聖代德所懷入獻磊落
皆龍媒右牽者誰鬻者德萬里知自宛沙來銀光鏡縣
蹄腕促老奚識性仍善牧時巡之外游幸稀飽秣原頭
春首藉吳興學士藝絕倫妙處直似曹將軍只今有馬
無此筆誰與寫之傳世人為君甘老駕駘羣

題牧牛圖

去年苦旱蹄敲塊今年水多深沒鼻爾牛穀棘耕得田
水旱無情力皆廢畫中見此東臯春牧兒超搖犢子馴
手持鳩鵠坐牛背風柳烟蕪愁殺人兒長犢壯須盡力

豈惜辛勤供稼穡縱然喘死即休不願徵求到筋骨

題李白觀泉圖

玻璃杯中春酒綠醉墨淋漓牡丹曲平生合置七寶牀
白紵烏紗美如玉阿瞞荒宴百不理寧計宮花銜野鹿
何物老嫗生此兒偷向金雞帳中宿高將軍纔奴隸耳
誤使脫鞵吾所辱要畱汗鞵蹋鯨魚鼠子何堪煩一蹴
尋常溝瀆不可濯何處容伸遭汗足翩然却下匡廬雲
五老峯前看飛瀑

題郝內翰書所作夢觀瓊花賦後

釣魚山前龍上天武昌城外走蜀船老姦欺國馳露布
使者坐囚吞雪糞潰兵一夜甲填水血汗木棉花下鬼
豈知老仙方卧游鶴背天風扶夢起顏雲挾月光西流
玉簫聲斷江聲愁露華泣盡瓊樹死廣陵春色寒於秋
百年遺賦人多重勁墨通毫精爽動節旄零落喜生還
回首江南已如夢花神換根春更芳想像月色扁餘香
楚招無人青鳥去公不少畱涕泗滂

題趙仲穆怪石奇木

君不見岳陽城南老樹能化人又不見草中巨石如卧
虎樹逢仙客授還丹石誤將軍飛雨海寧太守提健
筆與丹通靈箭角力山精木魅寒暄賜千年醜怪匿不

得銜瘤半裂雷火出隱入雲綃露奇跡猝然一見心膽
驚氣盡畫工俱辟易挂之高堂風連搖古色一片秋蕭
蕭待候硯池卷東海歸寫扶桑與沃焦

題長孫皇后諫獵圖

黃門曉出西清伏秋色滿天鷹犬王虎落遙連渭水南
鸞旗直渡河橋上日邊雲氣五色文虬鬚天子真天人
羽林猛士森成列六氣不驚清路塵太平無征帝神武
豈為禽荒將按 已知哲后佐興王不數樊姬能霸楚
從容數語即罷田六宮迎笑花如烟蹕回那待外廷疏
聽諫由来同轉圜天寶神孫隳大業錦繡五家爭蹀躞
可憐風雪驪山宮正與真妃同射獵

題華山圖

華嶽連天向西起瀕洞秦川三百里巨靈高掌削芙蓉
影落黃河一絲水雲臺霧谷巢神仙羽衣金節時周旋
歸來失脚白羸背歸來石上長齧眠千載悠々寄玄賞
耳孫風骨猶蕭爽遠從丹丘渡滄海追挹神踪欲長往
何人想像圖真形疊厓陰洞高林青上摩金天之帝京
下攬玉女之明星峯邪麓邪兩莫極虎豹叫絕烟霏冥
仙家樓觀超然住遙認微茫是征路丹梯鐵鎖不可攀
直喚茅龍上天去

直隸懶拙道人茗溪曉望圖

憶昔薄遊茗之城溪光近秋山晚晴連峰接嶂望不及
惟有白雲從復橫漁村無林樹墨色微風忽起菰蒲聲
月從太湖東畔出直射西塞山前明人家碧玉壺中有
野舫銀河天上行酒酣時起發長嘯水底直遣魚龍驚
老暉鄉亦此盤礴安知今我非三生畫撈萬象入奇筆
畫與詩境俱崢嶸吾家茗中有茅屋京塵滿鬢難為情
頓令扁舟夜入夢萬頃漚波歸濯纓

金宣孝太子墨竹

少海神光射天起中有蟠龍、有子混同江聲何處來
卷作琳琅墨池水蜿蜒歛起鱗鬣張蛻骨立化千篔簹
一朝侍臣抱髯泣鶴駕不歸雲路長百年梁苑陵谷變
流落人間能幾見明昌內府應祕藏小字親題保成殿
吁嗟帝子真天人此君亦作天人真君不見洋州老太
守揮灑雖工無此神

綠玉連環歌為邢從周典簿作

子闡河頭夜光發赤髯賈胡采明月中有美璞凝寒晶
惟許鬼工能琢成伊誰得此邢公子示我綠玉雙連理
况如空碧虹氣垂半隱青瑤蟾一規展之兩環不逾尺
疊作團、小蒼壁穀文錯落映雷文宛是昆吾寶刀刻

廬陵學士癖好奇辯古重以瓊琚詞珊瑚佩鉤詎可數
我疑制自金源時集賢仙公丈人行鳳閣舍人文有樣
請君畱東宮錦袍待看揮毫玉堂上

并州歌送張彥洪使畢還河東

吾鄉故人零落盡見子老成殊慰心祥金百鍊乃利器
桐尾方焦方賞音河東臬府幕下士飛傳來作朝正使
太和嶺上盜已空旗旌盡是官軍紅殺人如麻道路絕
朝狐莫梟競巢穴嚴風歛起霜倒飛塞日黯淡寒無輝
子來未幾遽言歸使我東望淚霑衣豈不聞并州少年
游俠子手攜玉龍最輕死并州將軍劉越石夜半登臨
長歎起汾河直來繞郡城雁門離石寒崢嶸老叟四葉
彈丸地大梁全師勞再征一朝征賊輒破碎大將不誅
天失刑為子作歌憤激眼中太行如動色安得壯士
射烏弓為落攬槍連太白

劉道權為李遠子微作青山似洛山圖為作歌以
係之

石頭城中有眇々之秦淮秦淮東流入江遠其上疊巘
連曾厓牛頭雙闕雲間開三山北山鬱烟霾六朝遺迹
猶在眼千古往事徒興衰昔人謂此洛中似四面青山
圍二水劉侯熟識此景勝况復愛畫入骨髓五尺長紙

繭不如乘興破墨塗成圖
漁梁茅屋昏欲無
壞陵荒隴迷楸梧
寒潮已落斷岸濶
行人不渡扁舟孤
高邪却邪漫漶那可辨
但見招提林杪直
下藏村墟憶我羈游石
城日江烟山雨正蕭瑟
橫塘酒家好新酒
醉倚船窗看奇崛
只將健句寫歸來
却恨此時無此筆

吳儁仲傑橫河精舍圖亦道權作

橫河精舍誰所居
豐城隱者吳仲傑
是中林壑特幽勝
一幅劉權畫尤絕
遠山數曲重復重
炊烟一村樹業業
嵐光雲氣紛滉漾
盱水汝水遙相通
近山什伯青匝匝
峰底斜穿鷓鴣峽
跳波直下却洄漩
怪石截斷雙流合
竹窗桂棟溪之隅
過門好客無時無
溪魚長肥酒長熟
撥棄世務談詩書
梧州春雨草木長
檉塘耕稼仍膏壤
鉏翁牧子行唯諾
沙鳥風颿自來往
獨不見陶縣令松
菊園又不見杜陵
老桑麻田人生得此
不歸去有如頭上之
青天傑乎傑乎吾羨
汝毋負山中故人招
隱篇
崔旭行之雲巢圖贈
道士俞剛中請余賦
長歌
崔郎胷次奇突兀
興來從人索紙筆
斯須千峯萬峯出
底用一石畫五日上
饒道人列仙癯示我
新作雲巢圖
塗岷抹霧思更逸
古色滿眼蒼寒俱
重溪疊谷各異狀
壞木崩石森相向
翠微最上雲所棲
道人又在雲之上

數椽丹室蔭白茅團、雲間如一巢拂衣拂著宿鶴背
挂劍挂落長松梢空濛杳靄迷處所豈復漂搖畏風雨
既非鳥窠老衲子元乃中林古巢父填牕擁戶晝不開
神光隱見金銀臺雲之君兮鳳為馬往、玉簫吹月來
道人幾年游上國賣藥壺中人不識洞玄宮館剛中所建宮名
一黍珠靈秀似與仙都敵故巢未破歸便得歸到玉山
多美石我詩毋刻、此圖留照千秋山水碧剛中永豐縣人

送崔讓士良都事江淮行省

時平久不修武備一旦盜賊起跳踉南關荆鄧北徐汝
紅巾直來據武昌摧城破壁官吏走九江太守能死守
赤眉銅馬終殄除此賊游魂那得久天兵勢若風雨來
直掃四野無氣埃廟謨最先擇元帥國計莫重完江淮
堂中書開外省幕府人材倚公等崔侯如刃新發矧
鋒銳所當無冒縈金湯表裏元有捷正藉全籌薄伐
草茅有策可采用義士多方須教閱酒酣客起征馬鳴
壯氣滿髯肝膽傾浩歌把劍徒激烈老矣莫賊從軍行
為古紹先題劉平妻胡氏殺虎圖

沙河岸邊秋草白棗陽城頭落日黑老兵辛苦踐更來
林下稅車聯一息黃蘆艇、中夜鳴偵鬼叫嘯悲風生
虎飢得人怒不置婦急徒手危相爭直前死力持虎足

呼兒進刀屠虎腹但知有夫豈知虎視之何殊机上肉
當時一擊寧顧軀驚魂碎骨仍攜扶九原瞑目已無憾
舊血勿滌身上濡千秋節義傳鄉閭我猶膽怯見畫圖
健婦果勝一丈夫嚮來馮婦有不如

城南

城南北風朝卷沙將軍開宴樹大牙黃鬚健兒飽酒肉
十之五來將車盡驅下男作生口鬼妾鬼馬克其家
嗚呼上天不可問道傍觀者徒咨嗟

范寬山水

憶昔往尋剡中山南明天姥相縈盤客路上頭穿鳥過
行人脚底踏風湍旦寒露重多成雨洩霧濛雲互吞吐
僕夫相呼巖壑間空響應人作人語溪窮岸斷地忽平
石門壁立如削成隔水無數山花明中有人家鷄犬聲
向來老眼曾到處此境俱作桃源行百年留在范寬筆
水墨精神且蕭瑟上有翰林學士之院章恐是宣和舊
時物林猿野鶴應自在令我相見猶前日時平會乞閑
身歸一壑得專吾事畢

張師夔為郭子靜作終南山色因題

終南山色秀可食中有游雲動凝碧華嶽西面仙掌高
仙都下射金精白紺宮琳館馮險阻渭水秦川來咫尺

古木深藏魍魎寒陰厓曉入蜿蜒黑幽人舊隱依青壁
蘿逕紫樵閉寥闌野橋雨岸何處船落日無人獨歸客
櫟翁筆法追郭熙遠意欲寄烟霞微半生江海屢驚夢
萬里風塵能化衣捷徑無媒既愁寂故山好在曷遄歸
尚說于今明月夜時有簫聲臺上飛

天香室為四明定水復見心禪師賦詩齋題

定水山中多古桂老璘結茅來避世囊中少試蒸花法
正藉烟霏作輿衛誰令作詩傳世人一時攪動聲聞塵
百年公案結未了復翁拈起還清新唱開石壁成字
百顆明珠照天地不關旃檀林下風薰破枯禪半邊鼻
吾聞佛家別有衆香國我亦三生學禪客若為一洗六
根空從子歸來分半席

題趙文敏公木石有先師題于上

吳興筆法妙天下人藏片楮無遺者南陽詩律動江湖
一篇才出人爭寫二老風流傾一時只今傳画仍傳詩
清涵月露秋見影黑入雷雨寒無姿仇山黃鶴去不返
茗溪鷗保歲俱晚好呼鐵瓜夜錚錚刻向青珉照人眼

題武林姚氏頤壽堂

有地須種木蘭花有樹好宿雙啼鴉木蘭女兒能代父
慈鴉之雛能哺母姚家堂中如画圖鶴髮高居采衣舞

當年兵塵暗鄉關扶攜藁砧烟瘴間天留晚福在平世
去家萬里仍生還
有兒有婦供滄瀨書聲歌聲連隣里
板輿不待魚軒列
鼎不如負米中有至樂物莫比的酌彼
金壘酒起為願壽訶慈顏日
春風和棘心之詩豈足
多我今獨無空爾羨如此堂中萱草何

題雪溪待渡圖

晉陽山下蒲村渡
斷坂連岡疊烟樹
橫汾水落流更急
客子西歸迫秋暮
朔風轉雨作雪飛
倚蓋沙頭泥沒屨
後來者誰須我友望
津船出前渚濕雲撲地邊
鴻鷺危橋挂岸征馬生
樵家有徑凍葉平
土牀火暖無人聲
亂峯倒倚白石爛
空壑半壓冰槎橫
歸來想像猶眼底
詎擬褐夫能盡此
溪明雪淨古色起
一片荒寒在窓几
歲晚遠游吾倦矣

題李早女真三馬扇頭

金源六葉全盛年
明昌正似宣和前
寶書玉軸克內府
時以李早當龍眠
想當畫院供奉日
飽閱天閑萬奇骨
等閒游墨落宮扇
駿氣凌風欲起忽
霧鬣風髮剪別新
郎君玉為人
四帶紗巾繡衣領
醉鞭踏盡燕臺春
一聲白鴈黃河莫
豈料征蹠竟南渡
回首西風障戰塵
女仙空抱琵琶去

題陳所翁九龍戲珠圖

兩龍頡頏出重淵白日移海空中懸一龍回矯一倒起
側磔胡髯怒歆水大珠炎。如彈丸瓜底雲頭爭控搏
一龍仰首逆鱗露兩龍旁睨蒼厓蟠怪風狂電浩呼洶
天吳倅立八山動一龍後出尤崛竒半尾戲繞蜿蜒兒
兒生未角已神猛一顧却走千蛟螭陳翁硯池藏霹靂
往、醉時翻水滴便覺天瓢入手來雨氣模糊渾是墨
我嘗見畫多巨幅歎蕩驚濤駭人目何如此筆窮變化
三尺微緇形勢足是翁前身定龍精故能吸歛奔精靈
卷圖還君慎封鐫但恐破壁飛空冥

題侍郎秋江捕魚圖

秋江水多魚唯、海風驅潮葭芙蓉輕舸競載眾罔出
欲向中流截魴鯉巨鱗有神不可獲騰沓波濤脫泥滓
最憐濡沫苓箬間小白鉞頭尖如指釣璜渭叟晚終遇
西塞玄真微不起若人自是隱者徒豈比沙島漁蠻子
高顛能畫得玄理塗抹山川遊戲耳千巖萬壑堆白雲
稍看人家喬木底眼中之景何所似富春澤畔鷓鴣里
兩臺蕭瑟秋風高脚底灘聲蕩清泚我嘗扁舟衝雁過
彷彿厓根舊曾艤自知世外漁者村只合投竿老烟水
巨緇未辨五十牂草屨撈蝦從此始

畫馬後有宋思陵押封以御寶

睿思殿中萬幾暇縹帶犀籤閱名畫君王愛此神駿姿
筆勢不在韋韓下五雲御押手自封玉窠蟠屈宸篆紅
百年重遭赤馬劫散落不逐兵塵空誰欲傳之能愛惜
尺楮蕭、開古色驪驄玉面蹄腕白青絲絡腦黃金勒
風鬣半散頭怒側一團渥洼雲氣墨緋衫圍即緊控持
直恐驕騰收不得向來南渡小朝廷虎視欲與金源爭
蜀襄馬場能幾匹尚想按圖心瞻傾只今萬里龍沙道
游牝千群飽豐草天閑上駟皆乘黃駕蹇紛、世空老

贈吳士彞饒

吳興一士氣貌醇儒冠落魄甘長貧醫家諸書總貫穿
有病有藥即與人山中僦屋不肯出苦厭城市多囂塵
得錢沽酒飲即醉指點富貴如浮雲時來西湖住數日
所宿隨夜食隨晨過門與我談抵掌百無一偽皆天真
疾惡如讐每憤激正坐時命遭其逆人生除貧、則已
五鬼到此安能神天以清名補寒餓昔之隱者人皆聞
聖賢法則吾豈敢鄉里小兒安足云况君能鑿當濟世
未歎行路常踈、伸眉一笑索我別北風吹雪未續紛
溪船無錢附歸去垂橐不管妻子嗔青山白石大自在
且復挂子頭上巾江湖多蘆識者少歲晚遠遊須待春

君不見舍中之長眼皆肉豈解善事長桑君

題秦東山藏主十八開士圖

環瀛茫茫去不窮大鯨吹浪鼓颺風樓船如山不敢過
况在泛葦浮蕉中西方十八大尊者徑度萬里猶乘空
犀行水開蛟蜃露直下踏入天吳宮龜魚背高孟錫穩
中流正與靈槎同怪頭達拏四周象一單界出龐眉公
鼻端噓氣作飛塔舌上彈呪招降龍兩僧促膝披貝葉
一衲裹足湏山僮雪毛白鹿歧角健斑尾黑虎雙睛紅
最後坐禪如古佛從渠搏控何神通吾聞浮屠多善幻
作詩自賞画者工君不見海波橫潰鬼神惡我無其術

安能東

蛻庵詩卷之三

七言律詩

八月十六夜對月

蟋蟀梧桐秋滿庭
浮雲散盡見疎星
仙人脩月渾無迹
使客乘槎自有靈
一道銀河通碧海
三更白露下青冥
西風忽起吹黃鵠
夢斷瑤臺醉未醒

中秋次友生玩月韻

華月光浮玉色醪
涼飈時拂紫綈袍
河通閣道流雲急
星遠天樞出地高
樓舞豈無仙跨鶴
縱吟聊放客揮毫
扁舟近憶樟亭下
曾看魚龍送夜潮

閏九月遊錢塘南屏諸山

山僧領客興何長
慧日峯前俯大荒
舊俗尚傳三令節
人生難遇兩重陽
丹楓換葉隨秋老
黃菊留花過閏香
更與摩崖訪陳蹟
西風吹冷薜蘿裳

閏中秋是日白露節

河漢雲消溢素光
重開樽酒據胡床
嫦娥斟酒猶前夕
老子婆娑且醉鄉
風信兩番生綠桂
年華一寸入黃楊
怪來詩思清難忍
早鴈聲中露欲霜

七月望對月

新秋月色初圓
夜遠客樓中
獨坐時却數
只鷺身老大
相看聊與影
栖遲神仙宮
闕開三島
牛女星河淡
兩旗不是吳剛
頻伐樹西風
應長出輪枝

中秋廣陵對月

散盡浮雲月在東
白蕉衫冷小庭空
星河夜影尊壘裡
城郭秋聲鼓角中
落葉有光時墜露
鳴蛩無響不含風
此生五十三回見
只遣姮娥笑秃翁

上元宿通州楊原誠寓宅

禁城東下一川平
杳杳烟蕪淡
晴風滾暗塵
羊角轉水披殘凍
鴨頭生離居
有酒春堪醉
小市無燈月自明
還憶故園今夕賞
玉人花底共吹笙

丁亥元日

梅花院落雨聲中
牕外春寒冷
風臘酒撥醅
浮玉蟾
夜鏡挑燼落金蟲
星環甲紀驚身老
雪解寅朝驗歲豐
還喜驛書催上路
寸心長在日華東

中秋玩月崇真萬壽宮

西風吹月出雲端
松柏流光繞石壇
上國山河天廣大
仙家樓觀夜高寒
似聞玉杵鳴玄兔
疑有瑤笙下翠鸞
只把酒盃供醉賞
不知零露滿金槃

四月旦雨中送春

苦筍櫻桃次第來
雨餘官樹綠連街
白纓蚯蚓歌幽草
赤幘蚍蜉穴古槐
短髮欲星愁有效
幻身如電事無涯
人間思怨何須論
團扇清風又入裛

述古真人壽席為賦

龍虎山中有洞天
長生見此老彭錢
羽衣小作金門客
玉籙元書紫府仙
藥竈夜光丹似日
壽尊春色酒如泉
未須便覓雲林隱
更闌人間八百年

春日汎湖陪李旻德融席上作

春來渾不到湖邊
偶逐東風上畫船
花氣暖流黃鳥岸
水光晴展白鷗天
綠尊興極頻呼酒
銀篋聲高正鞞弦
我比放翁應更放
看花不獨海棠顛

雪後苦寒

雪後北風尤苦寒
燎爐起擁懶頭冠
謾裏學士醱醺酒
仍對先生首宿盤
戎馬尚驚塵袞袞
客槎空往海漫漫
向來事是今朝夢
底用悲吟且自寬

喜雨 久旱苦蝗

日氣如焚土氣腥
黑雲當午忽冥冥
雨工分下旗千隊
神姥攜來酒一罍
牛馬長河迷渚渙
龍蛇平陸起雷霆
快看一洗飛蝗盡
猶及秋田晚稼青

清明日到陳莊

出郭東門古道斜
獨騎款段穩於車
春纔三月已兩月
村舊百家無十家
山徑低飛鬼蛺蝶
野塘競噪官蝦蟆
東風不奈晚愈惡
吹散滿衣楊白花

東西馬城春行東平澁伯容

清明時節每多陰
楊柳人家花滿林
侵曉乍收連日雨
賞春長負百年心
鳧翁一一蒲塘煖
雉子斑斑麥隴深
為報能詩平處士
刺攜芳酒共幽尋

暮春有感次劉監丞

二鳥寧容一處囚
能鳴何似不鳴休
來今往古無窮事
剩水殘山總是愁
欲識碧雲須麗句
擬裁白雪欠名謳
強顏未得投簪去
一濯塵纓萬古流

上京大雨驟寒飲周從道所

莫年已卜田園去豈意猶歌行路難且復酒杯同旅次
不堪人事總憂端山林茅屋三生遠風雨羶裘六月寒
吾友有家應此住老夫何地挂吾冠

游鳳凰山故宮至高禡臺鴻鴈池

衰草寒烟老木風南朝佳氣落然空壁來山鬼遮秦使
盤泣仙人出漢宮壞堦尚傳祠乙鳥荒池曾見射飛鴻
騷人自古多離思長在登臨感慨中

春日偕監中士友遊南城

樓閣參差紫翠間微風不動綵雲間柳垂禁籞絲千尺
水遠宮溝玉一環春樹鳥鳴圓似筦夕陽駝影兀如山
醉鞭緩、吟歸去燈火城東未掩關

上京秋日三首

山前孤戍水邊營落日無人已斷行甌脫數家門早閉
賴溫千帳火宵明白摧野草狼同色秋入關榆雁有聲
最是不禁橫笛怨海天秋月不勝情

水遠雲迴萬里川鳥飛不下草連天歌殘勅勒風生帳
獵罷關氏雪沒韉紅頰女兒花作隊紫髯都護酒如泉
時巡歲、還京樂別換新聲被筦弦

遠山平野浩茫、曾是當年古戰場飲馬水乾沙窟白

射雕塵起磧雲黃中郎節在仍歸漢校尉城空罷護羌
今日車書逢混一不辭垂老看疆鄉

三月二日賞杏花光岳堂分韻

柳色初青草漸茸春寒猶勒杏花風新烟院落清明後
過雨園林罨畫中洛社衣冠今日再蘭亭觴咏此情同
吾年最老身仍健更向尊前借酒紅

臘日飲趙氏亭

城上高亭一再過每看風物費吟哦近詩頗效寒山子
往事徒成春夢婆賸買十千燕市酒閒聽二八越娘歌
梅花枉報春消息祇遣經年別恨多

秋日偕成竹居秦景桓遊蜀岡萬花園

九曲池平帶蜀岡吳公臺遠隔雷塘間尋遺蹟裏千古
迴立高丘望八荒黃落山川秋廣大青冥風露日淒涼
一尊不慰登臨地朔鴈南雲恨更長

春日遊王公亮南墅

人家星散住村墟第二港頭潮水初蛺蝶一闌花院落
烏犍千畝雨犁鉏養魚已得陶朱法種樹還鈔勝書
興熟不辭歸路遠醉扶斜日上柴車

伏日陪吳興諸府公宴魯公池上

芙蓉池上會群公滿意華筵笑語中虹影連蜷山外雨

荷香澹蕩晚來風歌催銀甲箏逾急涼入金尊露易空
我亦玉堂揮翰手題詩合在水精宮

刊史局雨涼陪韓左丞叔亨小集

斷烟疎雨散秋虹古木高堂納晚風青史文章千古上
紫微星象五雲中前朝無似於今盛羣彥難期此會同
涼思滿簾宜解帶好裏寧放酒杯空

中秋張外史招賞失約賦以謝之

明月中天霧氣消酒醒涼思正飄飄星河不動秋空濶
鐘鼓無聲夜寂寥露下遠山皆落木風來滄海欲生潮
仙家玩事無緣到虛負瓊樓聽玉簫

辛巳二月朔登閔忠閣

百級危梯遡碧空馮闌浩氣納長風金銀宮闕諸天上
錦繡山川一氣中事往前朝僧自老魂來滄海鬼猶雄
只憐春色城南苑寂寞餘花落舊紅

早發潞陽驛

征車如水轡如絲望入金河欲曙時萬里山川環拱抱
九天堂闕起參差風林泥濘秋多露野淀稜嶸曉有澌
三十餘年觀國願白頭今日到京師

上京即事

灤河東出水滌迴疊坂曾岡擁復開金柱鎮龍僧呪罷

玉輿馭象帝乘來中天星斗朝黃道塞漠雲山繞紫臺
欲擬兩京為賦頌白頭平子愧無才

舟發湘江夜泊廟山驛

風帆東上浪冥冥鐘鼓山前近驛亭江海秋生河漢白
魚龍夜沒水雲青誰從三島求仙藥自信孤槎應客星
好喚吳兒扣舷起浩歌呼酒月中聽

豫章山房為見心復公賦

劔江寺裏古樟樹百尺如蓋青童山靈長此護林壑
雷電不許藏蛇蟲掃石僮來秋葉後談經僧坐晝陰中
題詩禪房更瀟灑便與王城祇樹同

上清山中

烟景空明石路微千年草木駐光輝山中觀闕金銀氣
天上神仙黼黻衣赤石大溪魚欲化青雲玄圃鶴長飛
只今浩劫頻來往未信滄洲與願違

四明寓居即事

郡城重鎮浙江東徼道荒蕪雉堞空於越山川星紀外
故王臺榭水雲中船來蠻賈衣裳恠潮上海鮮鱗鬣紅
不向旗亭時一醉行人愁殺柳花風

臺城

運盡黃旗晉國開天星俄復圻三台方驚掘地雙鴉起

已見浮江五馬來草暗離宮碑仆土雨殘戰地骨生苔
當時一菊新亭淚猶帶寒潮日莫迴

治城

此地先皇駐六龍鼎成龍去杳無蹤御林羅帕塵空暗
輦道朱門草已空題榜侍臣留帝勅築亭真士記天容
自憐不及窺弓劍愁絕寒城響暮鐘

鹿苑寺

千古南朝幾劫灰蕭梁寺額獨崔嵬化蛇如婦餘空井
刺虎將軍有舊臺江口山紅寒照沒石頭樹白暝烟來
滿衣落葉西風急更為憑高送一杯

瓦棺寺

修竹長松晝寂然梵宮高閣起中天虎頭妙畫空餘刻
鳩吻名書竟不傳石柱至今標宿莽瓦棺何處葬寒烟
馮高更盡闌干曲及取江山未莫前

石頭城用薩天錫韻

逶迤石路帶城遙古寺殘僧薜半凋一自降王歸上國
空餘故老說前朝懷陵鬼剽傳金盞畫壁仙妝剝鳳翹
更欲畱連盡奇觀夕陽江上又生潮

秦淮晚眺

赤欄橋下莫潮空遠火疎春掩靄中新月半天分落照

斷雲千里附歸風，嚴城鼓角秋聲早。故國山川王氣中，
莫訝時來一長望。越吟荆賦思無窮。

北歸渡河

黃河南徙合清淮，哀聲從地底來。岸斷鼃鼃蟠窟宅，
浪高鱸鮪化風雷。千年瑞應羲圖出，萬里經流禹鑿開。
好汎靈查上天去，窮源一試濟川才。

拜襄陵祖塋有古柏四十株

我祖神靈如在上，曾孫來此獨踟躕。佳城白日三千歲，
喬木蒼烟四十株。天上難招歸表鶴，客游終作首丘狐。
生平不解青囊術，自愛西山正向隅。

郡樓晚望

金晉山川氣象開，滿城烟樹擁曾臺。土風舊有堯時俗，
人物今無楚國材。千嶂晚雲原上合，兩河秋色雁邊來。
昔賢勝賞空陳迹，落日登臨畫角哀。

雁自代過晉嶺客中感興

雁行初自雁門來，遠渡平沙陳勢開。光祿塞空霜氣冽，
受降城廢水聲哀。烏孫公主歌難和，援臂將軍射未迴。
今日客中腸易斷，不須更在最高臺。

荏平道中

風起征塵滿鬢鬚，頻呼驛卒緩前驅。已悲白骨多新鬼，

尚說黃巾半畏途，麥老大田鳴乳雉。
草深荒徑竄妖狐，停驂欲飲瓜園井。
欲倩隣翁放轆轤。

宴四明江中醉卧及醒舟已次車廐站

使節重來省昔年，舊游零落一凄然。
山川在眼空陳迹，歌舞催人又別筵。
風卷潮聲全海起，雨分虹影半空懸。
酒醒惟有斜牕月，偏照姚江獨夜船。

發樂清縣岑山亭

百尺新亭起碧岑，長藤古木鬱蕭森。
山重山掩分吳越，潮落潮生自古今。
飛鳥去邊浮海色，夕陽明處散秋陰。
五雲長近仙臺上，時聽鸞簫月下吟。

石門書院瀑布

飛泉噴薄下靈湫，疑有龍居最上頭。
長日風雷穿石起，半空河漢挾雲流。
青牛隱去神宮在，玄鶴歸來洞府幽。
弭節名山諧宿願，築居終羨昔賢游。

西峽渡

江上日高寒霧開，渡頭風順早潮迴。
中流白舫翻翻下，兩岸青山滾滾來。
蠻媪浣紗衣似雪，驛夫到岸鼓如雷。
舍人起揭篷牕坐，笑割羊桃薦酒杯。

涓洲嶼

飛舸鯨濤渡渺冥，祠光壇上夜如星。
蛟龍筍簏縣金石

雲霧衣冠集殿庭，萬里使軺游冠絕千秋海甸仰英靈。
乘槎欲借天風便，彷彿神山一髮青。

次福清宏路站州守林清源邀飲治所

酒家籬落隔青棕，更在輕烟細雨中。繞郭好山橫野碧，
緣溪芳樹立春紅。故人雪鬢年、老太子風謠處、同
十載相逢又相別，不堪回首海雲東。

浮山道中

處、人烟有酒旗，棟花開後絮飛時。一浮春水浮黃頰，
滿樹暄風叫畫眉。入境漸聞人語好看山，不厭馬行遲。
江籬綠徧汀洲外，疑折芳馨寄所思。

北山苦雨待程繼先舟行

老態已成便早睡，呼兒更與助深杯。半牕風雨催秋到，
一夜湖山入夢來。潦水無根殊泛濫，蛩聲多事為悲哀。
不知明發緣何喜，滿意銜花落又開。

寄龍翔訢公長老

古笈橋邊夾道斜，老禪方丈梵王家。山人宴坐時分芋，
天女飛來或散花。護法龍蟠結構定，巢春燕避袈裟。
此生已悟空無住，欲就莎房借鹿車。

登巖先生兩釣臺

兩臺有徑可躋攀，老樹長藤薈蔚間。魚釣自忘天子貴，

風雲何似客心閑
鍾催夜月來孤寺
颿挾春濤過亂山
寂莫羊裘軒下路
幾人攜酒酌潺湲

滕王閣晚望

峒堯傑閣起城臯
尚想君王結構勞
楚國山川推壯麗
唐人文賦擅風騷
天開彭蠡連江濶
山向番禺入嶺高
萬里登臨一裏古
朔雲秋興正滔滔

南山蓮社偕韓友直伯清昆季游龍井寺

長憶東林遠法師
三生張野有前期
經書貝葉繙重譯
漏刻蓮花禮六時
長老布金多滿地
高僧卓錫自成池
不妨隨喜諸天上
扶得風篁玉一枝

天竺山中訪項可立不遇

葛洪川畔千年寺
路繞長松一澗分
潭影青移行處岫
嵐光白散望中雲
猿公吟樹應思侶
鹿女銜花不亂群
常羨山僧專勝概
水聲林下百無聞

游萬松庵

黃塵撲馬出西城
忽見雲林眼倍明
竟日寂無山鳥語
滿風純是磬松聲
石幢花雨何時禪
榻茶烟特地生
客自去來鐘梵外
老僧於世已忘情

扈從之上京過龍門

兩崖高立色冥冥
仰視空光一罅青
石兀馬蹄危不渡

水漂龍氣暗聞腥山川壯自開天險風雨陰疑來鬼靈
我欲重尋舊題處濕雲寒蘚滿巖扃

游武康禹山畱宿昇元宮

白石西邊山更青杖藜塵外得經行鳥翻夕照落空翠
人逆松風聞澗聲道士煮茶畱夜話田家燒草起春耕
也知真境多佳境擬約衡茅寄此生

四月護三喪渡江之宴塢

亂雲散黑收殘雲落照浮紅滿大江烟際小星添箇
沙頭宿鳥下雙々文章爛熳工何補膽氣崢嶸老未降
新喜仙翁與釋子買山容作讀書窗

天竺北峰行香汎舟湖山堂

肩輿直過上湖西泱泱晨光遠欲迷風起澗松清不暑
雨乾石路淨無泥泉分絕壑流邊續雲到高峰盡處低
投老寧能數來往把杯洞口聽猿啼

聽松軒為丹丘杜高士作

長松千樹擁前榮虛籟還從樹底鳴一片海濤雲杪墮
幾番山雨月中生茶香夜煮苓泉活琴思秋翻鶴帳清
安得南華老仙伯相隨軒上說風聲

玄圃為上清道士周靜修題

路上仙巖最上溪仙家住處有丹梯瑤臺鶴下天風冷

靈瓊花深曉日迷五色芝房團紫蓋千年石髓裂青泥
羽人即此宜高隱豈在崑崙命萬國西

梅雪齋為紫霄宮楊逢賓題

雪樹生香滿佩巾紫霄最上集仙真苔荒鶴迹渾無路
花暗笙聲不見人瑤圃月寒通白曉丹臺雲暖駐長春
莫教流水山前去恐似桃源客問津

屏山凝翠臺為上清道士劉伯達題

仙館深居寂莫濱千巖濃翠濕無塵築臺一日臨風雨
驅石中宵使鬼神潭上晝游魚聽瑟花間春醉鳥銜巾
山靈不是藏真境畱待雲棲學道人

愛松亭為嘉禾三塔寺寬海雲賦

攜李灣頭穿堵坡種來松樹繞庭多碧粘老甲渾苔蘚
黑入秋陰半薜蘿古剎每聞龍捨宅神僧常似鳥為窠
無人做得韋侯筆與作山堂障子歌

冰雪菴為衡嶽北山上人賦

衡岳山中老道人一龕一袖足容身禪林出定雲生室
詩境行吟清入神瓶水不凝霞氣煖石門長掃虎踞新
只應煨芋燒茶外乞火時到寺隣

雲松巢為翰林學士王公儼作

高人自昔愛雲林擬作幽居寓素心適世每裛箕寥隱

題詩聊效謫仙吟，幾番白鶴迷秋夢。
半樹青蘿補夕陰，獨坐天風灑毛髮。
高寒何似玉堂深。

醉月堂為萬聲遠作

月有秋期酒有鄉，虛堂中夜挹流光。
九天零露濺尊俎，萬里高風扶佩裳。
白鳳飛回聲縹緲，玉笙吹徹夢清涼。
醒來却覓神游處，狼籍中庭桂子香。

不繫舟漁者陳子上自號

本來無繫亦無舟，隨意江湖可漫游。
縱遣西風吹水外，不妨明月爛沙頭。
人情平地波瀾起，身世虛空日夜浮。
安得從君歸把釣，只將吾道付滄洲。

浮雲道院 在吉安

百年身世與雲俱，日看紛紛變態殊。
江雨欲來雲氣黑，天風忽散鶴聲孤。
行藏與道同舒卷，富貴何心較有無。
此意高人還盡解，椽營在楚山隅。

石田山房為毛叔達作

犖角初開百畝荒，四明山麓有丹房。
種來王子雙白，鑿破雲根寸一方。
赤水洞天宜避世，全椒道士可休糧。
會尋瀑布聲中去，一洗吾生浩劫忙。

雲巢為上清劉道士賦

團團茅蓋一巢輕，雪滿千山虛白生。
象外乾坤還太古，

望中樓觀盡通明
雲藏宿鶴渾無迹
水落長松暗有聲
人在寒空最高處
羽衣瑤佩不勝情

次韻劉伯貞與金山即休了長老唱和

老禪居處水雲重
此地纖塵不可容
潮色平鋪無際海
日光先上最高峰
踏花佛馭紅牙象
獻寶神騎白耳龍
第一江山第一座
幾時來聽講時鐘

北山禪房次危太樸韻

一簞小寄青蓮宇
尺五巍臨白玉京
名藥曬庭分草木
好詩書壁雜真行
劫塵息後心源淨
僧臘高來頷雪生
我住巷南師巷北
相過談到莫鐘聲

遊金山東即休了公

八十了公如古佛
禪心久已會真如
飯供南海浮來鉢
經鈔西天譯後書
持呪降龍秋雨歇
楚香迎客晚潮初
此生終擬依蓮社
猶苦塵緣未破除

寄越寶林別峯嘉禾水西仲銘

越絕千峰有別峰
老禪宴坐梵王宮
願中結習三生熟
機外忘言萬法空
錫影夜飛天姥月
鐘聲曉度禹陵風
孔淳自許遊方者
須覓巖居竺法崇

劫灰不到爽溪亭
珍重堂頭老仲銘
朝莫鐘魚仍梵唄
虛空龍象自神靈
幽禪定後鐙縣壁
清盥閒來水在瓶

草座麻衣亦吾事會尋臺上共繙經

寄越能仁用章俊禪師

晚節叢林道欲孤喜公赤手縛於菟千巖萬壑平安否
淡飯長齋飽得無坐觀山童闕山水講經龍女獻明珠
沃洲勝會還堪繼豈獨東林有社圖

寄清遠涓禪師

自聽龍翔寺裏鐘劫餘金碧更重天王按劍踏魔女
羅漢弄珠降老龍蒲室千鐙誰繼照渭川一派自分宗
未知今日西岡塔畱得荒寒幾箇松西岡乃笑隱塔

寄四明定水見心復禪師

聞公近住慈溪寺今是璘師第幾鐙笑我在前圖作佛
只今投老欲依僧瓶中舍利藏來長窓外獼猴喚得麈
會佛塵衣上方去天香樹底乞花蒸

寄平江開元寺雪窗光公蜀人

獨木山寮晝不開禪餘香印已成灰寺分麋鹿臺前住
人向魚鳧國裏來佛盞供多光類玉祖衣傳久色如苔
一枝得箇邛州竹拄到雲居不擬回

送西江賢古愚上人

山僧新自豫章回千里還乘渡水杯問法諸天龍象繞
談經半夜鬼神來西峰夏解江雲變南國秋歸野菊開

欲叩心宗塵外侶白頭今日已成灰

送範準堂住天台法輪寺

白首南屏坐不回偶提佛法住天台
幽禪有味風生磬瘦影無塵月滿臺
羅漢山中飛錫過鮫人海上獻珠來
不知萬壑烟霞底何處尋師撥芋煨

送道存師游方

故人去作遠遊僧千里關河付脚騰
壞衲秋縫慈母線空山夜別祖師鐙
王城乞食應持鉢岳寺棲禪暫挂藤
何日諸方叅叩徧一菴歸老白雲層

送絕宗繼講師住大雄寺

大展三衣古道場真人高拱殿中央
曼陀雨散天花落薰陸烟生石乳香
纒風雷飛講舌耽龍象遶禪床
師行不廢宗劉社會覓籃輿到上方

送泐季潭還龍翔時笑隱已化

曾將小品問支公真是人間學道雄
弟子不須悲滅度禪師久已證圓通
長袈石上三生舊無復溪頭一笑同
想見西岡歸禮捨神光時繞夜壇紅

送至上人還金陵卷有笑隱丁仲容詩

朱雀橋邊白下門舊遊回首不堪論
令威未返遼東鶴圓澤難招石上魂
金刹火餘灰已冷錦囊詩在墨猶溫

南來邂逅逢師話老淚臨風墮酒尊

聞雲海寬寶林同一師寂音悼之

久別吳寬與越同近傳歸寂故禪宮葛川有日尋圓澤
蓮社無人繼遠公亭外松焚雲海靜井間鰻化寶林空
只留一點詩鐙在長照殘山刺水中

答復見心見寄

蓮花峯下天香樹吹老西風幾度秋僧寶師真洪覺範
詩窮我亦孟叅謀文章宇宙千年事身世江湖萬里舟
甚欲相期石橋路更須同訪羽人丘

重寄水西新公道場涓公三塔寬公

我恐前生老法華退居清淡即僧家禪師有道長騎虎
侍者通自辟蛇已負法身來震旦終拋塵網覓提奢
洞庭春後多風水準擬南歸買釣車

道場山頂千年寺迴出雲林最上層師已新聞出世法
我今渾似在家僧書遲不到秋風鴈詩苦長縣夜雨鐙
蚤晚南歸有船

籌峰真館追和松瀑黃石翁尊師

月色今宵恰滿規有山如此愧來遲金堂石室忽到處
澗水松聲無盡時麻姑凌寒或送酒木客入夜同吟詩
匡廬老仙去已遠悵望雲間笙鶴期

送張惟善使還上清宮

驛騎翩翩，萬里歸上清山下。是巖扉金銀宮闕，神人館
河漢文章織女機。赤羽頻縣行處，節青霞自剪醮時衣。
使途解后還相別，回首江雲翔鴈飛。

送道士張一無還安仁省親

南楚東吳一草亭，道人元不嘆漂零。幻身在世真如露，
客鬢經年漸欲星。招隱山中猿鶴怨，話禪石上鬼神聽。
殷勤此別須回首，不忘君家桂樹青。

贈別句曲外史張伯雨

玄洲別島鬱龍窠，從滿谷崆雲護萬松。外史編圖瓊笈秘，
隱居留誥玉函封。丹池雨見龍無角，藥圃春肥鹿有茸。
擬借一龕為洞吏，與君來往大茅峰。

壺隱為涂州徐仁則賦

匏繫深知固帶難，養生聊託一壺間。仙公賣藥曾藏市，
逸士操瓢只在山。千里江湖浮處遠，百年日月貯來閒。
底須狡獪驚凡目，剖破輪茵別築環。

懷計籌山通真館純一雲峰高士

彫年短髮苦駸，只益孤衷嘆惋深。老比師丹渾忘事，
死無鍾子絕知音。哀猿易下三聲淚，獨鶴長存萬里心。
慢憶雲峯凌羽士，故山無夢可相尋。

送匡山王濟遠朱弘道南歸

萬峯蒼翠繞舒城中，有琳宮似上清。俠客劍寒騰虎氣，仙人笙響作鸞聲。到山定及朱桃熟，歸洞應多白鹿迎。好在丹房保玄極，九還金液待君成。

幻寓庵用虞芝亭學士韻

暫寄微軀在世塵，此庵名亦強為隣。了知百歲且莫事，豈泥三生前後因。非假日明那有目，忽隨空壞本無身。要知枯坐環中者，別是人間不死人。

送述古彭大年真人

袖有神方鍊紫荷，幾年璫錄著功多。仙人海上騎黃鶴，道士山中認白驪。棗木斗盤藏霹靂，楊枝瓶水灑天河。只應小閣開皇劫，一劔秋空處處過。

大年仙人樂天遺雷符一卷為題

一夕空飛解劍形，先生神炁即風霆。已還天闕朝群帝，別寫雷符使六丁。遼海鶴歸雲邈，苕波龍化水冥冥。只今有子能傳業，來奉祠官篆檄靈。

題閑吳宗師徒孫丁自南卷

羨君學道上清宮，親得先生早發蒙。枸杞未逢朱孺子，丹砂須問葛仙翁。窓前點易寒研露，壇上焚香夜禮空。化鶴歸來定何事，從師千歲住崆峒。

送劉彥基奉宗師命訪求道德經註

北風霜霰日冥冥，送子南歸出廣庭。
上國幾年陪賜履，名山隨處訪藏經。
藜光照夜時燃火，龍氣衝寒直射星。
却憶冲虛觀前路，豫章雙樹更青青。

壺洲為上清張道士題

錦水西頭觀闕青，仙家原不隔滄溟。
鳳麟洲渚寒凝碧，雲霧衣裳夜降靈。
金醴浸花留客醉，玉笙吹月使龍聽。
看君福地容蕭爽，長與曾孫宴幔亭。

送上清道士李自賓歸山

歸去青溪點易牕，仙林如子世難雙。
丹藏虎豹千山雪，劍度魚龍萬里江。
別洞苔花分石路，古壇松子落巖淙。
道人不用尋烟火，木煎經冬正滿缸。

送陳復齋歸婺之武義清寧觀

武川道館白雲間，蕭散真宜羽客閒。
丹侶有期開藥竈，青童應在守蘿關。
岡頭叱石成羊起，花下吹笙馭鶴還。
歲晚相思擬相覓，只愁落葉滿空山。

送胡道士還豫章舟居

道人船子是行窩，如此東湖烟水何。
寶劍携將叱雷雨，鐵符埋得鎮蛟蛇。
雲盤仙篆朱文細，海浴神丹絳氣多。
應與匡廬桂風子，山中騎虎夜相過。

送薛鶴齋南歸吳中

老鶴幡然憶楚臯南來直渡浙江濤
千年故國悲城郭萬里晴空見羽毛
候館夜吟飛絲翰靈壇秋醮振琅璈
踰應白屋山中路畱得仙家舊種桃

雲臺真館為上清周用章作

突兀中天積翠遙層臺宛似鬱羅蕭
清池曉浴丹如火白石春耕玉有苗
此地來龍如可築他年歸鶴底須招
只應月夜游仙侶時復吹笙下紫霄

送方壺羽士之京師

學道武夷還上清羽人毛骨鶴同輕
丹畱別室生虹氣歎隔空山作虎聲
劒外鬼神來叱咤畫中河嶽入經營
候仙合在飛廉館會見祠光徹夜明

挽張伯雨宗契

一夕星壇蛻羽衣山林何許散靈輝
書畱真語陶弘景名在丹臺馬子微
海上青羸應遠去壚中白兔想潛飛
風篁後夜還成韻猶似簫聲月下歸

鹿中曾入紫宸朝歸向名山駐綠輶
龜脫生筒無俗累鶴存瘦骨有仙標
三元飢飯杯猶在五色香烟火已消
應復神遊易遷館人間楚夢若為招

童稚情親到白紵真香幾向鵲爐焚
丹成自浣天壇天

劍解空埋月，碣魂山友分。將石刻帖門人唱，得錦飛群。
他時會續君前傳，刊作青瓊板上文。
月碣葬所

正一冲和宮楊弘道以虞學士詩求和

玄都桃是舊時花，曾駐春游送客車。翰墨尚看延閣老，
松蘿長護羽人家。丹砂
仙公術白絹封來，諫議茶
文采風流徒想見，九霄無佩乞飛霞。
往事真成過眼花，前王俱此走降車。鶴歸華表千年郭，
燕入烏衣百姓家。雨壞苑牆生野薺，雲殘候館老山茶。
欲將弔古無窮意，高倚披雲賦落霞。

廣東帥府掾林德恭餉藤簞

韜向箒中一握輕，風漪八尺勝桃笙。文編黑白蝮皮滑，
漆透丹黃虎魄明。鴟上卷將滄海色，嶺南寄與故人情。
竹牀柎枕山牕下，從此酣眠夢亦清。

鐵笛為孟天暉賦

愛此輕圓鐵鑄成，何須楚竹選孤生。年多化作青蛇色，
夜靜吹如彩鳳聲。繡出碧花疑錯落，冷含金氣發鏗清。
最宜攜向君山去，一聽仙翁奏月明。

給事以馬乳貺就索詩

桐官載出橐駝馬，分得官壺給事家。代茗駱奴寧許敵，
蒸豚人乳不成誇。肥凝曉露鴟夷革，香帶秋風苜蓿花。

長與詩翁消酒渴，自辭為客住龍沙。

仙娥玩月圖為野雲陳氏題

仙娥微步下高寒，獨立長松月滿山。
妝影透明金背鏡，佩聲飛動玉連環。
洗空碧海銀蟾冷，舞罷瑤階白鳳閒。
不是丹青寄顏色，行雲無夢到人間。

陳子平寄所作瓊花答謝

鳳在陽岡鶴在臯，相思空遣夢勞勞。
簫吹夜月江橋酒，查泛秋風海市濤。
故國山川吳分野，美人詞賦楚離騷。
瓊花新製人爭寫，應使揚州紙價高。

周漢長公主府臨安故城二圖

今開元宮

主家樓觀鬱參差，想見當年全盛時。
宮草細、行輦路，苑花深、覆泛舟池。
瑤臺仙去塵生海，甲帳神來風滿旗。
好在畫圖畱勝蹟，五雲長護鶴笙祠。

南渡君臣建業偏，不堪喬木黯風烟。
豈知白馬興王後，又到紅羊換劫年。
三輔黃圖空郡國，六朝王氣渺山川。
白頭開府歸來日，應覽遺蹤一愴然。

海樓為宛丘秋藏用題

不著闌干百尺高，難容此客卧雲濤。
深連厚地三千軸，迴壓神山十五鰲。
日影夜生浮畫棟，珠光秋孕射霜袍。
醉來白眼看餘子，未許元龍氣獨豪。

太古樓為豫章傳道士題

羽客棲玄紫極宮樓居三景自玲瓏游雲宛在洪荒世
探道元居恍惚中窻白夜生南浦月簾高時卷上江風
如何宴坐忘機者千劫塵緣一息生

半村為傅處士賦

半距城闈半距村烟霞只尺少塵喧小車入市僕先路
斜日下山人到門兩岸花陰連第宅一川草色散雞豚
田家數里將迎慣時復相畱醉酒樽

李克約餉臘梅并詩用韻答之

空谷佳人縞袂單淡黃衫薄護春寒色欺隱者山中桂
香逼騷靈畹裏蘭鳥吐粟金妝處巧蜂畱蜜滓鍊來乾
數枝乞與吟牕供溫水銅瓶自挿看

霍丘孫游武林湖山之勝詔之

千頃平湖繞郡城画船小槳盪春聲紅酣花港風荷密
玉照梅岡雪樹明烟月長畱歌舞地山川不改古今情
君行須到峰南北為覓蒼苔石上名

襄臨川舊遊賦以贈別戈直伯敬

擬峴臺前汝水流因君還憶舊曾遊故人零落半為鬼
賤子蹉跎今白頭詩思入江楓葉冷鄉心隨雨鴈聲秋
北齋居士知強健為覓新篇慰別愁

莫春偶作

曹騰睡思酒頻中
潦倒吟裛語不工
燕子人家春復夏
棟花時候雨兼風
青林脫蠹成蝴蝶
白水鳴蛙抱活東
甚欲相從問丹訣
頂間朱橘幾時紅

草堂為胡晉仲題

姑孰城東林壑奇
幽人愛此結茅茨
垂牕已著盧鴻畫
繞壁惟書杜甫詩
花氣晴薰燒酒火
潮痕晚上釣魚絲
數椽有此真堪隱
不待山靈重勒移

贈相士陳巨山

老我寧甘徹骨貧
多君見與掇皮真
垂厓本是無情者
若水終為勇退人
機外驪黃難著相
眼中青白自如神
華峰太極圖猶在
何日相攜問隱淪

贈地理家何玉泉

芒屨筇枝興渺然
知君曾得異人傳
經探玉髓青囊祕
山隱金精鐵鎖縣
腹有丹光飛日月
眼窮地脉入雲烟
幾時把袂神州路
共看華嵩翠挿天

贈易學李所翁

易學如翁近所無
藹然聲聞動江湖
著龜凶吉占如繇
爻象從橫畫有圖
三卷祕書傳句曲
百錢卜肆隱成都
相逢欲問平生事
何惜春醪滿眼沽

贈箏工任禮

鈿林銀甲不勝清錦席銀箏無限情第一部中當絕藝
十三絃上有新聲齊宮蟬怨時、咽湘浦鴻來箇、驚
宜向教坊供國樂要須名似郭無名

玉笙為陸國瑞賦

曾聽仙人白玉笙飛瓊有譜學初成碧桃半向露中落
采鳳忽來雲際鳴瑟響洞庭空寫恨磬浮瀛海不傳聲
何如吹上扁舟去秋滿西湖月正明

長至日題

佳節蕭然無過賓餞餘觴豆自相親斗垂西柄半入海
梅發南枝先得春平日以文為事業老來惟酒是精神
莫論炊熟邯鄲未已是山翁一欠伸

元夜獨坐

九衢花月萬家燈憶在錢塘與廣陵過去豪華春似夢
老來心賞冷於冰蘇耽仙後還為鶴房瑄生前本是僧
喚取家人多置酒只將寂莫付曹騰

夜起

雞鳴不鳴山四更月落未落霜滿城起看北斗寒挂地
俯聽長河流有聲今夕何夕耿無寐千古萬古難為情
欲持心事出門去哀歌坐待東方明

秋裏

山人底事縛微官來對闌干首宿盤匣印少開經雨濕
篋衣多敝入秋寒勞生沙漠隨征轂入夢江湖有釣竿
歌罷中庭待明發起看星漢正漫

世事

世事紛紛在目前故園無復可歸年吳東城陷仍為沼
滄海塵生欲變田鼠穴詎容銜窶藪豨膏那解運方穿
臣心有血才盈掬擬向天工罄一箋

闕題

席上屠蘇歲、同只憐醉後飲衰翁半生客路江湖裏
十日春愁雨雪中黃道雲消晴見斗青陽氣轉曉占風
欲題采帖無佳句思繞蓬萊最上宮

初度日

八十一翁烏角巾尊前才放自由身病湏善藥休離手
衰借嘉醪可養神誰謂仲連為俠士或傳方朔是仙人
行當小築西洋墅種杏栽桃作好春

癸酉初度真率會分韻

杏花風暖破春陰一笑幽齋喜盍簪人事萬端相聚少
酒杯百罰不辭深生辰值月方纏斗故國觀星正在參
多謝諸君為我壽滿牋佳句敵南金

乙亥初度是歲仍改至元

此生重見至元年白髮垂垂已滿顛
仕愧買臣無印綬歸思清節有園田
菜挑渚雪冰茸滑柑剝吳霜玉腦圓
終結一菴湖上去老來閒送佛前錢

病疴

肉黃皮皺髮毛枯一病支離困壯夫
痛要小奴搥臂膝冷尋破帽聚頭顛
隣翁教誦禳灾呪道士來書禁瘡符
車轍馬蹏勞客問藥囊糜盃乏吾須
炎火寒冰忽暗投肺腸日與藥為謀
擬尋畫史圖獅子安得詩人詠髑髏
月色自如聞度夜蟲聲無賴亂吟秋
便當一起幽憂疾濯髮西風萬里流

自喻

狎鷗不下解知機蟋蟀先鳴能表微
人海無涯俱泛泛佛天有相亦非非
試論前輩今誰在欲問何山老可歸
巖瀨蟠溪各求志豈關出處在漁磯

憶山中

買山晏塢近天根遙憶春深正灌園
一樹爛紅櫻著子滿林鮮碧竹生孫
少陵只擬還韋曲安石端宜得謝墩
歸老會尋凌道士采芝燒藥了晨昏

感興

從來豪傑願風塵奮臂干戈肯顧身
司馬諸王祗亂晉
祖龍二世竟亡秦祠傍鬼火狐鳴惡
槁下天寒鶴語神
千古汗青留感慨山中翰與種桃人

蛻菴詩卷之四

七言律詩

殿試翦與讀卷官

老臣載筆侍金鑿自愧三叨讀卷官
進士擢科從古盛
大臣考策得才難芳年荏苒聞題
鵙花事從容到牡丹
明發禁扃當徹鎖文光高動五雲端

翰林三朝御容戊戌仲冬朔把香前宮

嘉禧殿前初日高瑞光先映赭黃袍
雲間瑞露收金掌
仗外微風颺采旄黃鶴仙人周子晉
碧雞使者漢王褒
禁園尚覺餘寒在未放春紅上小桃

甲午禮闈

白雪青天映日紅樓臺高下瑞光中佳成正際新春晦
薄冷猶吹向曉風萬國衣冠朝北闕一時文獻集南宮
吾皇方此求賢俊載筆寧慙奉至公

九月朔迎駕大口

大駕今朝至上都期門罕畢已前驅錦衣照日環龍袞
翠蓋凌雲覆象瑜萬里山河開白道兩京宮闕入黃圖
縱觀父老心應喜知有天恩免過租

庚辰十月朔奉迎明宗冊寶至石佛寺明日壬辰
迎至太廟清祀禮成賦以紀事

寶冊香輿出法宮非烟御路曉濛濛仗齊劔佩千官裏
金奏簫韶九廟中宣室鬼神徵賈誼太常禮樂屬孫通
下臣有幸逢熙事散作恩波四海同

園丘禮成改直翰林勅書告廟祝板

捧冊先期籲太宮聖孫翼孝心同霓旌曉絢香輿日
鶴駕晴薰采仗風一代皇猷昭黼黻萬年寶曆卜延鴻
舞階行見干戈戢並在穹祇叶相中

黼黻青城煥景光紫壇黃道藹天香鳳韶曲變初終奏
龍袞衣明上下章共喜聖時修曠典更從春享議明堂
吾皇飲福神靈畢却進公卿萬壽觴

送太傅丞相出師平徐方

南征諸將久無功
丞相親勞出總戎
虎士嚴兵屯玉帳
龍庭大宴賜彤弓
萬年社稷收長算
百戰旌旗得勝風
幕府如雲盡才彥
荆徐指日捷書同

直延春閣

蓬萊海上第三山
仙掌雲間十二槃
雞樹烟深殊宵寐
鳳樓天近自高寒
銅臺傳漏聲相應
紫詔封泥墨未乾
願祝君王千萬壽
坐施雄斷濟艱難

寄寶林同別峯定水復見心

寶林老子虎眈眈
定水道人蒲作菴
歸老尚須遊越絕
尋師先儼到精藍
娥江碑在當重讀
禹穴書藏會一探
我亦三生學環者
定從佳處結禪龕

憶廣陵舊事

乙未

君王昔在鎮南年
賓客風流日滿筵
上國旌旗分一半
層臺歌舞宿三千
豪華遽盡悲離黍
形勝空存慘莫烟
多少楚魂歸未得
江流無際海連天

懷清源洞游時方兵後

漫：漲海際天涯
萬里乘來使者槎
紫澤重尋仙客洞
碧山長醉故侯家
人多熟酒燒藤葉
市有生蠻賣象牙
安得夢中時化蝶
翩：飛向刺桐花

寄副樞董搏霄孟起

王師前後厭瀛河萬里風雨入盪摩晉帥先宜謀卻穀
趙人欲用廉頗枚銜突騎宵傳令鼓發轅門曉擁戈
共待將軍白羽扇歸來幕府上功多

寄野菴察罕平章時攻淄鄆

聖主中興大業難元戎報國寸心丹軍中諸將驚韓信
天下蒼生望謝安露布北來兵氣盛樓船南渡海波寒
擬將舊直詞林筆細傳成功後世看

大軍下濟南

總戎十萬鐵鷄子殪賊一雙金僕姑白日照開華不注
亂雲飛盡大明湖數年父老回生氣千里山川復舊圖
已喜武威平汴袞可傾東海洗兵無

哀孝子夏永慶

沒海救父父出慶死年二十

翁已生全兒隕軀投文我欲詰天吳一時肝膽寧知死
萬頃波濤視若無骨葬夜泉鯨穴冷魂歸故國蜃雲孤
自今孝子流風在直與扶桑水到枯

雲州龍門鎮韓母劉孝節卷

韓家門外立雙楹丹染旌書照路明此媪何如陶母傳
諸郎真是董生行春前躍鯉饒嘉味繞樹啼烏有喜聲
孝節從來貧始見秦臺那用築懷清

真定王節婦習氏

青春忽掩鏡鸞悲大節生全死不辭夫日九泉無瞑日
妾身百歲有歸時天高地厚心如石女嫁男婚髮已絲
東觀只今多直筆為書青簡配桓騫

上京賸陳涓叟寄友書聲及鄙人賦以畬之其詩
雲編已刊四卷

忽憶江南古莊叟自釣竿歸去拂珊瑚藥爐已熄勾庚
火書篋閒拋遁甲符欲與陳陶同啖鮓祇令張翰遠思
鱸不知別後詩多少刊到雲編成已無
不見故人今十載平安喜得上京書顧我真吟紆干雀
羨君閒釣富春魚山房夜雨青燈外紫塞秋風白鴈初
終擬携琴隱湖曲一官垂老欲何如

授鉞

天子臨軒授鉞頻東南何處不紅巾鐵衣遠道三軍老
白骨中原萬鬼新烈士精靈虹貫日仙家談笑海揚塵
只將滿眼淒涼淚哭盡平生幾故人

左丞傳夢臣歸老汾曲賦以壽之

六朝名德仰巍々未許家園久息機霖雨帝方思汝作
衮衣人更望公歸南山一柱標中土左轄三星拱太微
欲向賓筵頌負壽寸心遙與白雲飛

王繼學廉使遷南臺侍史詩以賀之

天上歸來錦作袍
幾陪春色醉仙桃
銀河有路惟通鵲
碧海無山不戴鼇
卿月又臨仙掌動
客星偏傍釣臺高
廣陵此去金陵近
擬拂塵埃望節旄

送西江湖允中之桃溫萬戶府學正

遼水窮邊年益東
鎮人今始識儒宮
詩書直化三韓遠
文軌須令萬國同
隼度塞雲秋有雪
鼇翻海浪晝多風
知君回首神州路
一髮青山落照中

余伯疇歸浙東簡郡守王居敬

四明游客住京都
旅舍青燈照影孤
家信十年黃耳犬
鄉心一夜白頭烏
却攜長鋏辭金水
直挂輕颿到鑑湖
為問蠡吾王太守
別來安穩有書無

寄達兼善經歷柯敬仲博士

心憐旅寓各西東
長憶尊前笑語同
故國魚龍滄海上
仙家雞犬白雲中
百年人物無多見
一代文章有至公
等是不禁惆悵事
鬢絲黃葉共秋風

宗人鳴善將還武昌詩以叙別

武昌城中官柳陰
廣陵行客動歸心
衣冠南渡悲豪傑
江漢東流變古今
多病馬卿游已倦
能詩杜老律尤深
洞庭明月如相憶
為寫清愁入楚吟

次倪元鎮張伯雨錫山倡和之什

鶴在青林鳳在阿
騷人行處有吟窩
西風落木秋來早
南國浮雲日莫多
欲賦朱華臨鄴水
可堪白芷怨湘波
期君不負湖山約
來聽吳儂襍靄歌

畚謝者雲宗師壽帙綺段之贈

自信平生有道緣
頻頻白鶴寄瑤牋
錦分帝子機中織
詩入真人誥內編
余詩亦刻中弱水蓬萊三萬里
慶雲閣闔九重天
擬抽玉刺從飈御
一到環樞問列仙

送涂茂才北遊

黃河十月已流冰
暫解行裝駐廣陵
逆旅壯懷銷北斗
故山歸夢入孤燈
千金燕市方求馬
萬里天池欲徙鶻
曾是公卿有知己
孝廉船上覓張憑

答韓伯清練溪見寄

久慙簪紱趨文館
擬問田園歸武林
忼慨謾論當世事
衰遲空負壯年心
忘機白鳥何妨狎
投老青山不厭深
聞道練溪春酒熟
期君茗上共登臨

醉鄉

半屬華胥半酒泉
封君惟有麴生權
觥籌席上無多地
風月壺中別有天
千日夢醒如隔世
四時春盡不知年
從來此處藏身好
容我神游太古前

送曹鑑克明自浙省員外遷湖廣

上流形勢控荆揚，搥鼓飛帆過武昌。
幕府一時登俊傑，朝廷今日際明良。
南樓詞翰題鸚鵡，北斗旌旗下鳳凰。
好折楚芳遙寄與，美人秋水遠相望。

越僧無涯號棲雲乞賦

上方何處但聞鐘，深護林扉翠幾重。
卧冷衲衣侵片石，行隨錫杖度千峯。
松晴每下安巢鶴，潭莫時留聽法龍。
更欲移禪沃洲去，微茫崑洞不曾封。

懷上饒祝蕃蕃遠時為建康學正

聖王端拱致時平，妙選群才屬汗青。
一代彌文縣日月，萬方同軌走雷霆。
敢希太史抽金匱，更待中郎寫石經。
出處與君俱有道，不煩援鶴謝山靈。

送歐陽遜老從謙之湖閩照磨

白雲親舍在湘東，懷牒歸來晝繡同。
賓幙新趨元帥府，朝班舊引大明宮。
劔橫巖客南樓日，瑟罷湘靈北渚風。
何處登臨最相憶，江籬秋碧晚蘭紅。

送王季境還揚州兼述所懷

遠憶淮南后土祠，君歸今已發瓊枝。
好尋月下吹簫處，猶及花前把酒時。
錦瑟金錢餘舊伴，烏絲紅粟有新詩。
故人相見如相問，老盡當年杜牧之。

江充州叔志去思碑

使君有道是民師惠政長留去後思秀麥不專稱漢史
甘棠直欲繼周詩馴桑有雉童俱化攫肉無烏吏絕欺
東魯自今應紙貴一時爭打充州碑

臨川留別宜黃樂記楚材

當年攜酒杏花春同是西江榜上人歲晚異鄉為客久
夜來歸夢到家頻鴈聲孤館迢迢雨馬影斜陽漠漠塵
悵望與君江海別幾時高誼復相親

寄畬張五丈師夔明府

時在莆田

舊令龍陽有去思移家喜與土風宜人傳張籍妙樂府
我識王維真畫師火米夏收畬稻早海椒春放瘴花遲
客查不到天無雁賴有輜軒可寄詩

寄歸學士彥溫時寓夏縣

老筆文章史漢間喜聞華髮映朱顏司空舊隱王官谷
開府今稱庾子山一色黃茅丹竈火十年清夢紫宸班
與君歲晚須相見久辦歸田疏乞還

寄韓文與與玉

自驚六十八年身身老病蹉跎又見春京國歲寒稀雨雪
江淮兵久尚風塵鄉書屢絕親知遠官俸常空僕馬貧
只憶練溪韓與玉封書寄與重傷神

春闈和周伯溫韻呈同院

鼓角聲中漏未終
衣寒官燭屢銷紅
百年海岳回元氣
一代文章有古風
仙掌露溥金沉澗
觚稜雪散玉玲瓏
祇慙白首河汾客
得與群賢此會同

寄却九成即事自述

豎儒無術善飛鈴
鏡裏形容亦自嫌
憂世不堪才力弱
告歸方畏簡書嚴
風沙慘淡寒吹帽
星斗光芒夜近簾
此際思君倍愁絕
何山容得老夫潛

寄成居竹

時張寇已受詔而陰襲揚州

戰骨填溝塵滿城
尚書歸說使人驚
方期勅海民沾化
豈意平涼賊畔盟
何日皇天知悔禍
中原故老望休兵
傷心楊子洲邊月
忍聽江流是哭聲

高沙失守哭知府李徐公平

高郵自昔號銅城
一旦東門委賊兵
殺氣倉皇迷野色
怨魂嗚咽泣江聲
廣陵瓊樹春仍在
甓社珠光夜不明
白首故人悲趙李
臨風惟有淚從橫

州參政趙伯器死泰

潼關失守哭參政述律杰存道

十月三日天地昏
將軍拒賊死轅門
火飛華嶽三關破
血浸秦川萬馬奔
望越伍胥徒抉目
戰箕先軫不歸元
北風吹盡英雄淚
倚劔悲歌一愴魂

寄荅翟彬文中時避地慈溪

往年使過慈湖上風景依稀可畫傳紅葉樹藏秋水寺
白頭僧渡夕陽船竹林雨後山多筍漁浦潮來海有鮮
藉是縣公能愛客不妨酬唱酒尊前

靜對孤鐙思往事偶聞疎雨落寒牕愁邊白髮三千丈
夢裏青山十四雙蜀魄有聲疑訴國楚招無夢憶沈江
只因詩思緣君苦吟斷遙鐘已曉撞

食粥

病齒入冬便食粥瓦瓶煮豆給晨庖隣人新酒賒來醉
道士奇方借得抄鴈喜隨陽還北鄉鵲知避歲己南巢
故園我亦無歸計且作齋居蓋白茅

聞歸集賢遠引奉簡一章

時呂左丞歐承旨司尚
書繼亡

故舊相看逐逝波思歸無路欲如何將軍每嘆檀公策
朝士徒悲穆氏歌南海明珠來貢少中原健馬出征多
先生自說將高舉不遣冥鴻到罽羅

題馮士啓士可藏書堂

不惜黃金為買書要令弦誦被鄉閭聖賢事業千年上
經史文章萬卷餘借送詎論鴟有酒收藏長愛蠹無魚
他時許下成精舍岳麓匡山恐未如

分韻瓜步送司執中之江西憲府照磨

山前古驛草蕭蕭。候吏沙頭候畫橈。采石晚風人渡急。
歷城烟樹鳥飛遙。時平烽火沈江戍。市早魚鹽散浦橋。
目送征帆謾相憶。祇將離恨寄回潮。

分題投書浦送沙彥文架閣之江西

高人豈作置書郵。盡弃函封向石頭。故迹不隨烟草沒。
遺風長與大江流。悲臺鷹下川雲莫。別國龍回岳雨秋。
君過渚傍須艤棹。題詩相寄莫沈浮。

分題若邪溪送胡一中允文錄事之紹興

五雲溪水碧縈灣。純浸蓬萊郡裏山。金躍冶鑪龍已化。
箭空仙的鶴長閒。棹歌洲渚芙蓉外。人在樓臺罨畫間。
吟賞總輸賢錄事。樵風日莫送舟還。

寄題睢陽張文照存齋

之子山房結數楹。靜無塵累已櫻寧。此心炯炯同千載。
吾道皇皇有六經。雨後儀刑山更好。窓前意思草長青。
功夫要在存心熟。便是齋居座右銘。

題四皓高山圖

兵塵瀕洞繞函關。不到高松六里間。赤幟頻傳秦楚蹶。
白雲自與綺園閒。龍蛇陸起嗟何在。鴻鵠冥飛竟不還。
千載高風無復見。空餘芝草滿空山。

玉山墨工魏元德名一時贈之以詩

魏郎應得庭珪法未數松泉與雪堂萬杵熟膠香入劑
一螺點漆黑生光掄材合致圖書府畱價爭傾翰墨場
我有詩囊瀕刺襲草玄歸去老山房

松泉林嵩號
雪堂吳宇號

山友為金閣山田道士作

山人愛與山為友住得山前地幾雙為納白雲長掃室
欲延青嶂別開窓嵐中筇迹粘苔磴風外琴聲瀉石缸
應是烟霞數仙侶月明時復下旌幢

望江是歲合越飢

寒潮已退大江空不見來鷗與去鴻半嶺絲霞纏落日
一川紅樹照西風魯連蹈海英靈遠王粲登樓感慨同
徑欲投竿會稽石得魚為飽浙河東

歲宴奇寒

癡坐糴輸類凍蠅霜風吹折布衣稜壚翻宿火隨灰陷
杯覆燖湯到地凝虎豹凍埋山盡雪魚龍寒縮水連冰
濁醪最解強人意吟短酉窓一寸燈

寄荅莫惟賢景行

故人音問久相疎忽寄新詩良起余半卷長牋欵枕讀
盡粘佳句繞窓書此生館閣嗟畱滯何日兵戈見掃除
歸覓南屏山下隱酒杯茶竈共間居

會馬易之編修病中作

喜君近疾已平安楮帳繇衾且避寒飯顆任嘲詩骨瘦
糟丘能遣客裏寬天街鐘罷朝初動海國書回歲又殘
忽訝衰翁不相問北風吹雪正漫漫

寄成居竹黃舜臣

歲月崢嶸春又來歸心遙在故園梅十年最見風塵惡
萬事徒增耳目哀大漠平鋪沙雪去遠山直枕海雲開
近裏欲報成夫子強起題詩對酒杯
一見君詩倍黯然薊南吳北各風烟故人漸似星將曉
塵世真成海變田桂在謾吟招隱曲鶴歸還記去家年
虎丘山水知無恙有待先期置酒泉

至日微雪家人盡上冢獨坐小酌

忽：又逢長至日此心寒似棺中灰尋思一日老一日
得飲數盃還數杯鵲知太歲改巢去雨被北風吹雪來
醞兔羞鴛良不惡餒餘聊遣凍顏開

送普顏彥仁都事還蜀兼柬東時文可郎中

送君一騎發長安王事方殷冑避難使者好尋巴道路
遺民思睹漢衣冠江來灌口聲初放雲接峨眉翠不乾
為報郎中勉勛業遠音時遣破憂端

題括士朱槩方五松

隱君業在括溪東種就長松翠倚空一夕蛟龍起春雨

滿山鱗甲動天風也知造物生來異未許烟霞畫得同
想見青田舊巢鶴時時來喚白雲中

吾廬

吾廬幽似野人家時倚南軒玩物華亦有君臣槐腹蟻
也能鼓吹沼中蛙隣翁來送新篘酒堂吏求抄舊草麻
早晚乞骸尋舊隱不妨高卧傲烟霞

歎汪希仲罕代自雄新二州警曹語其風土為賦

越鳥巢南漲海東地兼夷夏氣惟雄洞深屋壘層屋上
瀧險船行亂石中春樹濕雲生桂蠹瘴茆經雨落沙蟲
宦游最數蠻荒惡羨子歸來面更紅

病起偶題

丁未

閱世悠悠八十餘此身天地一蘧廬季鷹只愛生前酒
司馬空留後世書野散未歸鳴澤鴈水煩徒喚在淵魚
可堪濩落風塵裏兩鬢霜毛頓覺疎

飲故相國宅

相君池館舊搆訶今日還容野老過裂地高於真已矣
積金鄙塢竟如何胡僧謾演寅朝倡女鬼空悲子夜歌
起向春風酌杯酒青蕪滿地雨紅多

監中莫歸

時廣師淮鰐魚放之潞河滿林木皆梟
鳴日夜不止已亥歲也

扶桑銅柱若為標南望兵氛久未銷秋水漲河初放鰐

晚烟籠樹盡鳴臬枕戈未睹棲於越舞羽曾聞格有苗
河北諸侯總戎翰好宣忠力佐皇朝

次韻閩僧秀嘉寄竹溪僧

峯北峯南法駕中文黎來往夕陽鐘時過花洞逢游鹿
夜呪珠臺放釣龍七字詩才清似水三生骨相古于松
羨師方外全無事只箇蒲團又過冬

望入南雲無去鴻馮誰持餉一緡空詩來萬里燕臺下
寺在三山治縣東戲瓦空中惟見水挂旂牕外自搖風
我今也擬辭簪紱去作巖居三老翁

送監生聶讓省兄山後生父死王事

書劔翻、送子歸原頭相見脊令飛北風關路雪雲暗
落日客亭烟火微血立忠臣頭上髮線留慈母手中衣
老夫惟有銷兵望早遣平安到虎闥

東坡淮口墨跡卷後有黃策詩策號隨緣子

潮落潮生沙岸頭布帆來往幾經秋山川如故人何在
天地無情水自流敗壘荒墟非昔畫野烟寒照總新愁
只應千古清淮月曾照東坡此喚舟

壽許集賢可用予同年少七月

圭塘論德真壽星斑衣戲舞滿中庭同年笑我雌為甲
上壽看君老復丁壺有仙公新授藥厨畱長史舊傳經

它時若許相依住願割西山一半青

看君才氣夔無雙往佐賓筵鎮海邦未報美人青玉案
且盛壯士碧油幢喚船柳葉迷蠻驛對酒椒花映客牕
別後平安須越使鴈飛不過嶺頭瀧

送貴溪彭伯時教授之高州蒙古學

都門柳色綠紛紛惆悵南轅北送君嶺海驛程須給傳
國朝字學要同文鼓來野廟迎蠻鬼火燎山田落瘴雲
藉有檳榔與藤酒冷官聊復送朝暉

樂平劉復初隱居四詠

東臯南畝雨新晴杏花欲開莒葉生田婦蒸梨來餉午
隣翁荷鋤趁春耕烏犍引犢邨出布穀催人處鳴
歸與兒孫共閒夜一牕燈火讀書聲右耕田

泐：寒流底處尋但傳幽響出空林石根雲竇元多罅
風籟松簧共一音醉夢聒醒春枕熟詩囊清徹夜牕深
中郎別有青溪曲更寫潺湲入素琴右聽泉

釀法傳將道士家春醪一味采松花常時野坐開新瓦
幾度山行載後車忤客有誰焚醉日學仙何處飲流霞
明朝又覓南隣伴還汲清泉洗石窪右飲酒

漾：清波浮紫鱗一筇閒倚樹邊身我疑濠上漆園老
誰識江頭漁丈人細草畱連還藉可野鷗來往自如親

此中正得悠然樂何用扁舟把釣綸 右觀魚

成居竹有詩見寄因郊九成行用韻答之

歸隱山林嘆未能強支世故力難勝少狂欲作追風驃
老退還如被凍蠅賦客有愁逾萬斛兵厨無酒可三升
與君會結東家社珍重衰年護寢興

送燕山楊文周之汾州教授

關河迢遞入汾陽暑雨初收陌樹蒼名士多為文學掾
此州今有狀元坊鴈來霜塞秋聲急鳥去烟臺野色荒
試問西河讀書處因君石室重輝光

送草窻講師周善京還九江太平宮

萬壘匡廬紫翠開太平宮館即瓊臺九天使者雲間下
五柳先生社裏來杏樹春陰渾滿院桂花涼露不盈杯
遙應鶴侶相望久吹取樓頭鐵笛回

許編修克敬歸平水奉寄王祕監先輩

憶昔先生致政時至今畱在十圖詩古來賢達知機早
此日山林問舍遲故國衣冠多草莽中原郡縣半旌旗
白雲汾水秋風外日送飛鴻有所思

九日燕允孚森玉軒醉中感懷

不見江南信使來鞠花應傍戰場開風塵眇々家難問
節物匆匆老轉催把酒多無今日醉

坐中客此語者登高有足動心者

只益寸心哀白頭一覺湖山夢誰料繁華有劫灰

會試院泰甫兵部既荅和拙作且示以佳章僕以
泪於校文遂稽貂續仍韻見趣所考既就格輒綴
四首錄奉一笑

堆牀朱卷考初分衛士傳呼夜鎖門
更駕已多東野馬
搏扶應有北溟鯤熟衣乍換寒猶薄
倦枕纔馮睡易昏
願向斯文求俊乂大廷行對帝王尊

樓頭疊鼓已三嚴起聽秋聲滿四簷
山葉落頻風繞樹
露蛩吟苦月當簾烟寒銅獸催香換
漏促金徒報箭添
笑我無元食肉相只思尊鱠薦吳鹽

勸眼空花漫不分偶隨羣彥集金門
扁舟只擬追張翰
一壑還相置謝鯤楓葉舊詩多冷落
梅花歸夢幾黃昏
與君此去如休暇莫厭相過共酒尊

詩律輸君敢闋嚴強摩老眼傍風簷
鷓袍夜散遙持燭
席舍朝開盡撤簾久悟物機忘出入
時存神火驗抽添
明當喚取彈箏手與唱新聲阿鵲鹽

故御史王楚鼈元戴為臨川王伯達三畫求題
也賓

雙鳳山人茅作屋五雲閣吏繡為衣
寫將瀟灑滄洲趣
畱待風流二老歸歲月無情遺墨在
江湖多事宿心違

寒藤古木江西道惟有當年白鴈飛
右雙鳳山三圖
山在臨川五里王自奎章典籤為多故云閣

罨畫溪頭春水波美人蘭棹遠來過
杯如賀老稽山酒
曲有吳兒小海歌樓館雲晴空翠濕汀洲
花暗夕陽多
只今粉墨餘高致愁絕樵風冷薜蘿
右山陰春霽圖
時憲巡行越州

小史堞前烟水空淮山無數直叢叢
使君援筆寫秋色
舟子唱橈乘晚風幾處漁家依落木
半汀殘照下飛鴻
白雲望斷仙游遠應在蓬萊碧海中
右萬港秋汎圖
時為淮西僉憲

雪中梁師孟叔原餉渾酒小好閨
悰偶成一章
歲事蕭條雪擁門家人隨分具盤飧
鑿頭餅軟團團白
缸面醅新盞渾萬竅風聲皆地籟
一窩春意自天根
老夫只待干戈息歸問西湖水竹村

送僕元魯降香南嶽南海

天開朱嶽奠炎方地入南溟接大荒
使者肅修時典祀
神明宜護國封疆仙臺雲散峯巒碧
瘴嶺春回草木香
珍重詞臣致誠禱願消昏癘降休祥

送景初漕史還平江各賦一詩寄吳下諸友

怒浪撼天摧漕舟疾風吹雨黑
中流海神躍馬火可滅

龍伯連鼇山蕩浮安得靈查通漢使斷無奇藥采石洲
丈夫政事經艱險不負平生亦壯遊景初相至城山
石得小舟以免遭風既沈米六萬

我憶括山老微士卷霧飛談那可當高致何如漆園吏
幽居真是鄭公卿未能即去楚氛惡每一相思雲樹長
欲覓雙魚問消息越來溪遠水茫茫鄭德明

匡山道士軀幹小豪氣直厭香爐峯池邊呪劍出金虎
峽頂放船飛白龍老我每推詩俊逸何時相見話從容
散仙萬一烟塵外為報巢雲若箇松于彥誠

近報崑岡亦被兵知君撫劍氣崢嶸夫差強弩風生海
姑蔑戰旗雲遠城天詔屢傳寬宥下王師行見掃除平
草堂無恙玉山好我欲南轅尋舊盟顧仲瑛

汶上早行圖上清張道士寫

絳節前驅海日生川回已見汶陽城數峰曉翠和烟濕
千樹春紅照地明原隰使華來煥爛河山風物入經營
憑君更寫千巖月與聽笙鸞夜聲

白鷹

愛此精神顧眄雄扶輿遙隔海濤東儻含金氣翎如雪
直上秋雲骨有風條鏃五方禽獻後錦貂千騎獵圍中
平原側目多狐兔安得真拳一擊空

平泉九月二日揭曉僕以朔旦始得聞復成二詩以奉
泰甫侍郎思齊御史本中都事道明敏文伯崇有
志諸寮友

解送推君藻鑑分棘園明發喜開門荆人自許山多玉
莊叟虛談海有鯤過鴈風高秋索索護霜雲薄曉昏昏
鄉來曾預春闈考猶記君王賜上尊

西風漸急早寒嚴曉露俄晞日在簷滿鼎松聲烹活火
半鈎花影卷疎簾菊黃又報秋期近髮白空驚老態添
未得山中覓茅屋去修丹竈養紅鹽

庚子元日早朝大明殿小飲自述

玉殿齊班對正衙退朝冠蓋滿京華青天徹曉無雲氣
黃道回春轉日車閑染采毫題帖子喜將綠酒泛椒花
老身只待承了攜取來書問故家

仙興

騫林樹上玉成圍皓鶴采鷺中自飛玄石山人千日酒
上清仙子六銖衣道心不動方歸撲物化無方總入機
白炷蕪香明月夜露壇東向禮靈威

自悼

十二樓空月自明一圓一闕總關情每從畫裏瞻瓊在
復向詩中記受生魂不歸來悲楚夢還驚覓厭厭人聲

遙知別鶴離鷺思只在夫容海上城
夢中常苦不分明天上人間各有情
桃葉竹枝無限意
靈芝瑞露可憐生蕙蘭謾織回文字
鸚武猶傳響板聲
欲得近音何處問風烟遮斷武林城

病中

小兒舞裏學齋郎大女笑看傍鼓簧
狂客有時來獵酒
老夫無事坐焚香前家後家雜歌哭
南斗北斗相低昂
病卧經旬不出戶牆角青苔春薺長

遣興

七十蛇翁衰病餘一室儼若維摩居
孔方無神可使鬼
毛穎已免不中書江湖天遠道塗斷
鼓拆衝寒風雪初
糠粃明年恐未飽欲求何地托吾廬

至後暴日

火煖氈牀擁病翁遣懷篇翰底求工
視悲歌徒能壯
學坐禪僧要自空鷓旦猶鳴天有雪
爰居已去海無風
只畱一段思鄉意不見詩中見夢中

悼亡日

是早題畫梅一幅夜夢梅花盛開有感

剪水裁雲聚作花直教顏色冠芳華
一雙仙子玉條脫
三尺天家香辟邪南國好音將過鴈
西牕殘夢已啼鴉
年、此日傷春思忍把歸心賦落霞

九日書似北山上人先夜雷雨

老年尤惜過芳時籬下黃花值閨遲夜雨有愁如濕絮
秋風無髮可吹絲勞魂數、還鄉夢往事茫、感興詩
滿腹精神渾減盡一杯誰與共襟期

中秋望亭驛對月代祀北還

月色滄波共渺茫驛亭雜坐看湖光仙家刻玉青蟾兔
帝子吹笙白鳳凰蘆葉好風生晚思桂花清露濕空涼
回棹使者秋裊濶倒瀉銀河入酒觴

春日小軒獨坐

江南樓筍正時新滋味還思養病身莫雨過雲初有電
老鶯啼樹已無春虛名晚合徒多累同輩生存僅數人
淨掃虛軒炷香坐只將篇什擬心神

清明日杏園獨坐

底事東風大放顛為花渾廢夜深眠賞心不有閨三月
老眼應虛春一年奇舞盡傳天上曲笑談同是酒中仙
歸時更愛東城道月在秋千影外圓

長至日偕諸友遊故宮

皇天有數混南邦組練長驅萬里江內井龍沈軍檄在
西郊鬼泣帝車降河開故道穿宮籞殿鎖秋塵暗佛幢
欲問興亡遺老盡晚風鈴語自縱

中秋雨明日清明玩月有作

今夕清光不負公更無雲氣礙虛空
晴遲一日秋才望看到三更月
正中蟾兔影寒天下露魚龍魄
動海生風故人別有蕉約未放扁舟一鶴東

正月九日夜雪甚寒

雪後西山照眼青早寒微霰又飄零
昨非未必今皆是衆醉何由我獨醒
學篆每朝臨碧落存神長夜養黃庭
若為喚得瀛臺侶相與吹簫上杳冥

長至後一日小築張氏小軒畱題

金殿當頭是廣寒瀾干高倚五雲端
山銜落照虹光濶海藏長冰玉氣乾
仙客上昇惟控鯉月娥來舞每乘鸞
更須載酒春晴日萬里風烟快一看

喜雪簡社友 廣陵

今朝臘日初飛雪一白先期報歲豐
坐見洪荒還太古信知造化自虛空
詩情畫意天機外和氣歡聲帝力中
便欲訪君僧舍去凍泥晴滴阻西東

十月望夜食既 戊戌歲

翳、冰輪漸欲無滿城鐘鼓競喧呼
明銷魚腦渾應滅蝕盡羸腸正可剗
后羿藥靈知不死臣仝心切望全蕪
夜闌失喜清光滿一片霜風凍玉壺

清明日大風雨

陰霾連日惡風生老去愁多骨亦驚天色昏昏轉黃濁
春光冉冉又清明隣家酥酒初開苑游女香車不出城
須為杏花賒一醉誰家園裏有鶯聲

雷火焚故宮白堊

辛未二月十三日

數聲起蟄乍聞雷驟落千山白雨來恐有怪龍遭電取
未應佛塔被魔裁人傳妖鳥生譌火誰覓胡僧話劫灰
豈復神靈有遺恨冷烟殘燼滿荒臺

中秋樂陵驛玩月

考官李狀元王助教同行

西風吹盡馬蹄塵涼夜中庭整解巾華月團圓生兔腹
黑雲片片散魚鱗鬣毛老去如黃葉詩思秋來滿白蘋
樂飲與君須達曙舉杯相屬恰三人

清明雨晴游包山龍華寺過慈雲嶺

當年玉輦此經行古寺猶題庑從名龍鳳識空山氣歇
馬牛劫換海波平野桃著雨春紅落嶺路霾雲濕翠生
日莫人歸烟樹黑飢鶩啼雨上宮城

送春答何高士

湖山不見莫雲渾楊柳風寒早開門情在舊游花歷歷
酒淹殘睡雨昏昏種桃道士今何處采若騷人不返魂
欲識傷春無限意杜鵑枝上有啼痕

家居九日 時余祝子類值酒禁丁未歲也

病餘瘦骨不勝秋早起驚寒已索裘安得酒酬任節醉
從教花為老人羞螟蛉有子寧嫌祝蚨蝶無知底用愁
却笑江湖舊詩客淒涼猶憶少年游

喜雪答鶴齋薛逸人

曉雪初飛應歲華因風吹起整還斜石田不種皆成玉
瑤界非時自雨花道士擁鑪衣類鶴麻姑送酒髻如鴉
縣知此際神遊處只在蓬萊海上家

七月廿七日書所見

杏花樹底血猶紅一宿星痕雨洗空鳳闕追班聽帝詔
羽林坐甲衛皇宮天官占候徵玄象國士精誠貫白虹
引領雲間望笙鶴朝來佳氣已蔥

過李陵臺外教上京

路出桓州山謾迴僕夫指是李陵臺樹遮望眼仍相吊
雲結鄉愁尚未開海上羝羊秋牧罷陵頭石馬夜嘶哀
英雄不死非無意空遣歸魂故國來

雪中早朝

北風吹雪浩漫曉出津橋立馬看春入上林花樹早
水連平地海波乾金城萬雉微茫濕月闕雙龍巖巖寒
今日天顏知有喜紫宸朝下散千官

夕次楊村

烟中帆影落，輒戕繫纜沙。
已夜過風驟，數聲來海樹。
月移半暈入天河，得歸始覺形神。
坐聽舟人語，明發蘆花秋水正增波。

西興渡

攜家迢遞過西陵，江霧微消海日昇。
船聲斗落樓頭水果園，霜後初分橘漁浦。
潮平各下罾，歲晚不思行路倦。
刺中佳興正堪乘。

辱井欄

為御史所破

片石學之心善藏

好事能收斷石存，摩挲堪憶古雲根。
樓空野燹鐘何在，宮沒寒蕪井已昏。
古篆半留欄上字，妖姬猶有墓中魂。
試捫凹處殷紅濕，不是胭脂是血痕。

七言絕句

送林崇高還武夷山

雲巖下聘君，家長記宵談。
到曙霞今日，隴頭誰灑飯。
鷓鴣啼老白桐花。

武夷山中毛竹多，神君一去奈何松。
風猶帶琅璈響，散入遺音作棹歌。

七月望日徐勉自武林來得兩音訃

海舟隔歲望回音，及得回音恨更深。
從此遠書無寄

九原蕪沒轉傷神

外來喪逝訃音來女嫁桐陵亦告哀老眼今朝方是哭
百年心事總成灰

予京居^廿稔始置屋靈椿坊衰老畏寒始製青鼠袍
且久乏馬始作一車出入皆賦詩自志

五槐濃綠蔭門前東宇西房數十椽不是衰翁買屋住
歸時畱作顧船錢

青鼠毛衣可禦寒禿衿空曠放身寬遮頭更著狐皮帽
好箇儂家老契丹

淺、輕車穩便休何須高蓋與華輶短轅不作王丞相
下澤聊為馬少游

讀瀛海喜其絕句清遠因口號數詩示九成皆實
意也

一日糧船到直沽吳嬰越布滿街衢新詩將作如干首
為問郊郎有買無

接糧御史性情真斷事官來苦怒嗔索酒索錢橫生事
遭風遭浪有知人

客牕昨夜北風高猶似乘船海上濤明發先宜覓貂鼠
喚人來作禦寒袍

虎賁坐甲夜傳更千步廊街鼓柝聲未許離人眠心熟

馬蹄車鐸又天明
拂郎之馬走千里獨立長嘶凡馬空昔在江南看圖畫
今來天廐識真龍
賽孃十五解新聲楊柳腰枝恰轉鶯好寫潘郎胡十八
教伊傳唱滿京城
長川妓子蚤晨來戴笠騎驢怕擁腮總在狹斜坊裏住
教坊日、聽差回
杖屨尋花虎丘寺壺觴按曲館娃宮阿成殺受吳中樂
請入風沙海浪中
結束黃驢粉畫鞦更投西市買長鞭知儂已有南歸日
戶部來催助燕錢
大風塵土漲天飛遮眼烏紗拍馬歸還是洞庭湖水好
侍郎來浣舊征衣

大年小景

雪牕二蘭 其一 摘奇

一川風柳綠催催古木茅茨近礧阿漢上無人船不渡
水禽飛處夕陽多

春澹空山不自聊幽花老盡國香銷只今愁絕沅湘路
誰與傳芭賦楚招

采、幽芳不盈把好收風露入銅駢虎丘老衲今何在
思見牙石上青

幼闇宗師以詩招賞海棠文申有詩見約次
自是仙家春日遲紫絲無數柔絲憑君多置看花酒
肺渴如今似漏卮

環樞堂上遲明來要向花前不放杯只恐狂風無顧藉
盡將春色委蒼苔

好裏日近少曾開心憶湖山曾屢回不是故人多雅致
誰能相約看花來

廉子祐歸省金陵且就秋試作三絕句贈別

故園歸思浩無涯更聽啼鶻惱客裏後夜月明應有夢
先隨潮水過秦淮

陌上吹衣柳絮風凭君莫放酒杯空歸舟總是傷情處
一路殘山潯水中

自昔高科取俊英布衣徒走到公卿廟堂今日求材切
正待諸君策治平

王景東白墨蘭樵題詩用韻其左并寓所裏

光風葉葉露香新欲采幽芳惜莫春幾度玉笙吹夜月
瀟湘雲斷不逢人

早出北城迎社稷香輿

我如老馬怯征鞍推起東牕欲起難昨日風雷敲電過
滿衣明月五更寒

偶成二絕句簡魯威學士

雲物淒涼小雪初
半庭殘菊蝶來疎
連朝筆硯多忙事
借得東泉學士書

病起頭顱不可風
南牕晴日正融融
天憐老境無差使
乞與詩篇酒箴中



